

Учебник

по всем вопросам

и вспомогательным

всем вопросам

обучения

243

4912

4-27

22



у-5-в54

6
50
5
3

ԳԱՆՉԱՐԱՆ

ԱՂՈԲԻՑ



Զաղօրս իմ Տեսան տպայ առաջի
ամենայն ժողովրդեան նորա :

Ապղ. ՃԺԷ:

273-ԱՀ

ԱՀ



243
Գ-27

5

ԳԱՆՉԱՐԱՆ
ԱՂՈՔԻՑ

ԲԱ.ՑԱ.ՏՐՈՒԹԵԱ.ՄԲ
ՍՐԱ.ԲՈՂ.ՅԻԹԵԱՆՑ Ս. ՊԱՏԱՐԱԳԻ

ԵԿ ՇԵԱՆՍԿՈՒԹԵԱՄԲ

ԶԴԵՍՈՒՑ ՊԱՏԱՐԱԳԻՑ

ԲՈՎԱՆԴԱԿԵԱԼ

Ի ՀՈԳԵՒՈՐ ՄԱՏԵՆԻՑ Ս. ՀԱՐՑ

4000
37800

Ի ՊԵՏՈ

ԶԵՐՄԵՌԱՆԴՆ ԱՂՈՔԱՄԻՐԱՑ

Գ. ՏՊԱԳՐՈՒԹԻՒՆ

Ի ՏՊԱՐԱՆԻ

Ա.Ո.Ա.ՔԵԼԱԿԱՆ Ա.ԹՈՒՈՑ

ՄՐԲՈՑ ՅԱԿՈՎԵԱՆՑ

ՅԵՐՈՒՍԱՂԵՄ

1911

11537

ի Հայրապետութեան

Տ. Տ. ՄԱՍԹԵՈՎԻ Բ.

ՀԱԿՈՒՑԵԱԼ.

Մրազնագոյն Կարողիկոսի
ամենայն Հայոց

Հրամանաւ


Տ. Պ. Ա. Խ. Ե. Լ. Ի

Մրազան Արք-Եպիսկոպոսի

Պատր. Տեղապահ


Մրբոյ Երուսաղէմի

Մ. ՅԱԿՈՎԵԱՆ ՎԱՆԴ ՀԱՅՈՑ



ՅԻՇԱՏԱԿԱՐԱՆ

ՅԻՇԱՏԱԿԱՐԱՆ



ԱՂՕԹՔ ՏԵՐՈՒԻՆԱԿԱՆ

Որպէս պատուիրէ Փրկիչն մեր .

— Այսպէս կացէք դուք յազօթս :
Մասմծ . Զ . 9 :


Հայր մեր , որ յերկինս ես ,
սուրբ եղիցի անուն քո : Եկեացէ
Արքայութիւն քո . եղիցին կամք
քո որպէս յերկինս եւ յերկրի :
Զհաց մեր հանապազորդ տուր
մեզ այսօր : Եւ թող մեզ զպար-
տիս մեր , որպէս եւ մեք թո-
ղումք մերոց պարտապանաց : Եւ
մի՛ տանիր զմեզ 'ի փորձութիւն .
այլ փրկեա՛ զմեզ 'ի չարէ : Զի քո
է արքայութիւն , և զօրութիւն ,
և փառք յաւիտեանս . Ամէն :

ԱՂՋՈՓՔ

Ի ՄՏԾՈՆԵԼՆ ՅԱՆԿՈՂԻՆ

Դու' ևս պաշտպան իմ, Տէր, և
ի ձեռու քո յանձն առնեմ զհողի իմ։

Առաքեա՛, Տէր, զհրեշտակ խուս
զալութեան քո՞ որ եկեալ պահես-
ցէ զմիզ յանիուովս ՚ի տռէ և ՚ի
գիշերի։



Հալոծեա՛ ՚ի մէնջ, Տէր, նշառ-
նաւ իյաչի քո զլինդդիմամարտ և
զաներեոյթ գաղանն, և մի՛ տար
յապականութիւն զքո ժառան-
գութիւնդ։

ԱՂՋՈՓՔ

ԶԱՐԹՆՈՒԼՆ Ի ՔՆՈՅ

Կնքելով զգէմսդ նշանաւ սրբոյ Խաչին։

Յանուն Հօր եւ Որդւոյ եւ
Հոգւոյն սրբոյ, Ամէն։

Օրհնեա՛լ է մեռեալն և յա-
րուցեալն ՚ի մեռելոց Քրիստոս
Աստւած, որ զարթոյց զէս ՚ի
մահանանդայն քնոյ, խաղաղու-
թեամբ անցուցանելով զգիշերս։
աղաչեմ և խնդրեմ զի զմնացեալ
ժամանակու խաղաղութեամբ պա-
հեացէ շնորհիւ և ողորմութեամբ
խրով, Ամէն։

ԱՂՋԲՔ

Ա. Ռ. Ա. Խ Օ Տ Ե Ա. Կ

ԵՒ

Ծ Ա. Գ Մ Ա Ն Ա. Բ Ե Խ Ո Խ

Տէր, եթէ զշրթունս իմ բառնաս՝ բերան իմ երգեսցէ զօրհնութիւնս քո։ Օրհնեալ համագոյն միասնական անբաժանելի սուրբ Երրորդութիւն, Հայր եւ Որդի և Հոգի Սուրբ, այժմ և միշտ և յաւրիտեանս յաւրիտենից։ Ամէն։

Ի գիշերի և ՚ի տունջեան եւ յամենայն ժամու զքեղ աղաչեմք, և ՚ի քէն խնդրեմք մարդասէր Տէր։ Լուր մեղ Աստուած Փրկիչ մեր, խոնարհեսցի ունկն քո ի խընդրուածս մեր, զի մը՛ ունայն լիցին վաստակք ծառայից քոց։ Այլ

համարեա՛ զաշխատութիւնս մեր՝ ՚ի գործ արդարութեան և ՚ի պատուղ Աստուածպաշտութեան։ Ընկա՛լ, Տէր, զաղօթու և զերկրպագութիւնը մեր, և հատո՛ մեղ զողորմութիւն քո առատապէս։ ծածկեա՛ զմեղ ընդ հովանեաւ ամենազօր աջոյ քո։ Զօրացո՛ զմեղ, Տէր, զօրութեամբ սուրբ Հոգւոյդ։ Պահեա՛ զմեղ որպէս բիբ ական։ Եւ արա՛ առ մեղ նշան բարի՝ ՚ի գովեստ և ՚ի փառաբանութիւն անուանդ քում սրբոյ։ Զի ի քոյ փառը կատարի ամենայն արարածոց մշտնչենաւոր փառաբանութիւն ՚ի բարձունս, Հօր և Որդւոյ և Հոգւոյդ Սրբոյ, այժմ եւ միշտ եւ յաւրիտեանս յաւրիտենից։ Ամէն։

ԱՂՋԹՔ

ՅԵՐՐՈՐԴ ԺԱՄԱՆԻ

Հոգի՛ Աստուծոյ, որ յայսմ ժամու ահագին շնչմամբ իջեր 'ի վերանատունն բաժանելով զիրեղէն լիզուս, է՛ջ և առ մեղ յերրորդ ժամուս և լից զմեղ ամենայն բարութեամբ քով՝ իբրեւ զսուրբ զԱռաքեալսն, հանգչելով 'ի սիրտս մեր յաւիտեանս յաւիտենից, Ամէն :

ԱՂՋԹՔ

Ի ՄՏԱՆԵԼ ՅԵԿԵՂԵՑԻՆ

Զայր արիւնահեղ և զնենգաւոր պիղծ առնես դու, Տէր. այլ ես ըստ բազում ողորմութեան քում մտից 'ի տուն քո՞ և երկիրպագից 'ի տա-

ձար սուրբ քո երկիրպիւ քո :

Եղիցին քեղ հաճայ բանք ըեւրանոյ իմոյ, և խորհուրդք սրակի իմոյ տառը քո յամենայն ժամ, Տէր օգնական իմ և Փրկիչ իմ :

Մի՛ թովուր զիս, Տէր Աստուծուն իմ, և մի՛ 'ի բայեայ առնիբ յինէն. հայեայ յօդնել ինձ, Տէր, փրկութեան իմոյ :

ԱՂՋԹՔ

ՅԵԼԱՆԵԼՆ ՅԵԿԵՂԵՑԻՈՅՆ

Ողորմութիւն քո, Տէր, զհետ իմ եկեց զամենայն աւուրս կենաց իմոց, բնուկիլ ինձ 'ի տան Տեառն զամենայն աւուրս կենաց իմոց :

ԱՂՋԻՔ

ՍՈՒՐԲ ՊԱՏԱՐԱԳԻ



Ըստ ծիսի եւ ըստ աւանդութեան
Հայաստանիայց Առաքելական Կաթո-
ղիկէ Ս. Ակեղեցոյ՝ արտբողովթիւնք
եւ պաշտամունք՝ ի ժամու կատարման
իւրէ դոյ Սուրբ Պատարագի, հան-
դերձ նշանակութեամբ զգեստոց Պա-
տարագչին:

ՔԱՀԱՆԱՅՆ

Աշանակէ զՏէր մեր, որ եղեւ
Ճշշմարխտ Քահանայ յափուեան ըստ
Յեղարգին Մելքիսեդեկի. եւ զինքն՝ ի
Ներքոյ տեսակաց Հացի եւ զինոյ՝
Հօր Աստոծոյ պատարագեաց:

ՍԱԴԱԿԱՐՏՆ

Աշանակէ զօրովթիւն յաղթութեան
Տեան մեր պատարագին՝ ի պատերազմ



ԸՆԳՐԵՔՄ ԲԵԼԻԱՐԱՅ, Եւ արար զփրկութիւն ազգի մարդկան:

ՇԱ.ՊԻՒՆ

Նշանակէ զանմեղութիւն եւ զմաքրութիւն վարուց Տեառն մերոյ, եւ զմայլումն նորին երանական տեսութեամբ էութեանն Աստուծոյ:

ԲԱ.ԶՊԱՆՆ

Նշանակէ զյօժարութիւն սրտի, եւ զպատրաստութիւն Տեառն մերոյ առ ՚ի կատարել զհաճութիւն Հօրն երկնաւորի:

ՈՒՐԱՐՆ

Նշանակէ զհնազանդութիւն Տեառն մերոյ առ ՚ի լնուլ զկենսագործ տնօրէնութիւնն իւլ՝ ըստ նախասահմանութեան Հօրն երկնաւորի:

ԳՕՏԻՆ

Նշանակէ զողջախոհութիւն Տեառն մերոյ եւ զանխառնութիւն նորին ՚ի զգայականաց ցանկութեանց:

ՇՈՒՐՋԱՌՈՆ

Նշանակէ զլբումն ամենայն առաքինութեանց, որով զարդարեալ էր մարդկութիւն Տեառն մերոյ ՚ի սկզբանէ յղացման իւրոյ:

ՄՏԱՆԵԼՆ ՔԱ.ՀԱ.ՆԱ.ՑԻՆ Ի ՍՐԲՈ.ԶՆԱ.ՏՈՒՆՆ

Նշանակէ զիշումն Բանին Աստուծոյ ՚ի յարգանդ Ամենօրէնեալ կուսին Մարիամու:

ԶԳԵՍՏԱ.ԽՈՐԻԼՆ ՔԱ.ՀԱ.ՆԱ.ՑԻՆ

Նշանակէ զներմարմնութիւն Բանին Աստուծոյ ՚ի յարգանդի Ամեներանուհոյ կուսին Մարիամու;

ԵՐԳԵԼՆ ԴՊՐՈՑ
ԶԽՈՐՀՈՒՐԴ ԽՈՐԵՆ

Նշանակէ զադօթս եւ զպազառանս,
զոր Նտիսահարքն մատուցանէին առ
Աստուած վասն զալստեան Տեանն
մերոյ:

ԱՂՅՈՒԹՔ

Այս Մարգարեիցն ձայն խնկեւ
լի, որ զօրհնեալդ քո գալստեան
զպատարարդ հրաման կանխաւ
ազդէին, և զոր չէ բանիւ նիւ-
թեղէն լեզուի ՚ի թիւ արկանել
վասն անըւաւութեան, փոքունք
են և նուազունք օրինակը և նմա-
նութիւնք, հինք և ժամանակա-
ւորք առ աւետեացդ քո յայտ-
նութիւնն և Խաչիդ փրկազործու-

թիւն: Որ յամենայն վայրի կա-
ռուցեր զիսրանն վկայութեան
արեան քո ուխտէ, որք մեծա-
բարբառ միշտ աղազակեն քան
զդատակնիք մահուն Հաբելի բզ-
յաղթանակ բարեաց քումդ հան-
դիսէ ՚ի կեանս կրկինս և անմա-
հականս, չնորհաց, մկրտութեան,
յարութեան, նորոգութեան, առ
քեզ լնատանութեան, լնդ Հոգւոյդ
Սրբոյ միութեան, քաւութեան,
ազատութեան, լուսաւորութեան,
մշանջենաւոր մաքրութեան, իս-
կապէս երանութեան, լնդ վերնայ-
նոցն կցորդութեան անկապուտ
փառաց: ՚ի շրթունս մեր ձայնիւ
բարձրելոյն հաշտեցուցիչ բանից
աղաչանք: Եւ զոր ահաւորն է ա-
սել, կարգեմ աստանօր յիշատակ

եղեալ մեծիդ երախտեաց, Աստու-
ուած իսկ լինիլ ընտրութեամբ
շնորհին, և ընդ հաստողիդ միա-
նալ Տէրունի մարմնոյդ ճաշակ-
մամբ, եւ ընդ լուսոյդ կենաց
խառնութեամբ, զսր կատարումն
երջանիկ խոստման ըստ Պօղոսի
բանին, ոչ ունէր օրէնքն: Այլ գու-
փրկութիւն, եկիր հայրենիդ քո
հարստութեամբ, արարեր և կա-
տարեցեր զյուսոյն երկարաձգու-
թիւն, որ առ քեզ պահեալ անհա-
մառակելի՝ քաւիչ ամենայնին: Եւ
քեզ փառք ընդ Հօր քում, ի գո-
վեստ բարեբանութեան Հոգւոյդ
քո Սրբոյ, յաւիտենից. Ամէն:



ԵԼԱՆԵԼՆ ՔԱՀԱՆԱՅԻՆ
Ի ՄՐԲԱԶՆՍԱՆԷԿՆ

Նշանակէ զԾնունդն եւ զՅայտնութիւն
Տեառն մերոյ:

ԳՆՈԼՆ ՔԱՀԱՆԱՅԻՆ
ԱՌԱՋԻ ԲԵՄԻՆ

Նշանակէ զգնալ Տեառն մերոյ ընդ ա-
շակերտաց իւրոց՝ի լեառն Զիթենեաց:

ԱՂՈՓաք


Տէր իմ Յիսուս Քրիստոս, որ
'ի մերձենալ ժամու չարչարանաց
քոց՝ վասն տագնապաց ոգւոյդ
սկսար երկնչիլ և հոգալ, շնորհ-
եա՛ մեղաւորիս՝ զի ամենայն ըզ-
հոգս և զտրտմութիւնս իմ՝ վե-
րանուիրիցեմ քեզ պատիւ սըր-
բազմից քոյց չարչարանաց, և
արդեամբք նոցին ընդունիցիմ ըզ-
փրկութիւն հոգւոյ իմոյ:

ԱԹԻԱՆԱԼԻՆ ՔԱՀԱՆԱՑԻՆ ԶՁԵՐԸ
Նշանակէ զպրոտասուելն Տեառն մերոյ
'ի լերինն զիթենեց:



ԱՂՅՈՒՖ

Տէր իմ Յիսուս Քրիստոս , որ 'ի
յաղօթելն քո առ Հայր , փոլձկամք
որտէ հեղեր զարաստոս յաչայ
քոյ 'ի լուացումն մեղաց նախա-
հօքն . շնորհեա' մեզաւորիս Եղ-
ձամարիս զզջումն , զի զտէւ եւ
զգիշեր ողբալով զյանցամս իմ և
խոսովանելով զմեզս իմ՝ լուգու-
նիցիմ զներումն եւ զթողութիւն
յամենառատ աղբերէդ կենաց :



Ա.ԱԵԼՆ ՔԱՀԱՆԱՅԻՆ

ԽՈՍՏՈՎԱՆԻՄ Ա.Ա.ՁԻ -

Նշանակէ զանկանիլն Տեառն մերոյ
 'ի վերայ երեսաց իւրոց, եւ զհեղուլն
 յինքենէ զքրտունս արեան:


ԱՂՕԹՔ

Տէր իմ Յիսուս Քրիստոս, որ 'ի
 սաստկանալ երկանց քոց՝ զկայ-
 լակս արեան հոսեցեր 'ի մարմնոյ
 քումմէ, չնորհեա' մեղաւորիս՝ զի
 'ի պատիւ չարչարանաց քոց, փո-
 խանակ արեան՝ հեղից յաշաց իմոց
 դաղբիւրս արտասուաց:



ԵԼԱՆԵԼՆ ՔԱՀԱՆԱՅԻՆ Ի ԲԵՄՆ

Նշանակէ զաղօթելն Տեառն մերոյ
 բազմիցս 'ի լերինն Զիթենեաց



ԱՂՋՈՔ

Տէր իմ Յիսուս Քրիստոս, որ
յաղագու անանդորրութեան սրտի
քո՝ չոշար կրկնա և երկրին ա-
զօթել առ Հայր քո երկնաւոր,
չնորհեա' մեղաւորէս դյարատե-
ւութեան 'ի գործու բարես, զի
արժանի լինիցիմ ընդունել 'իքէն
զինդրուածու իմ:

Ա.ՍԵԼՆ ՔԱՀԱՆԱՅԻՆ

– Ե ՅԱՐԿԻ ԱՐՅՈՒԹԵԱՆ –

Նշանակէ զծնարարութիւն Տեառն մե-
րոյ 'ի պարտիզի Զիթենեաց:

ԱՂՋՈՔ

Տէր իմ Յիսուս Քրիստոս, որ
ծունդ կրկնելով առ Հայր քո երկ-

նառոր՝ աղօթեցեր մարդկաբար՝
զի անցյէ ի քէն բաժակ չարչա-
րանացն. չնորհեա' մեղաւորիս՝
զի յաւէտ ծունդ կրկնելով երկր-
պագանիցիմ կենսատուիդ իմում
հոգւով և ճշմարտութեամբ:

ՀԱՄԲՈՒՐԵԼՆ ՔԱՀԱՆԱՅԻՆ ԳՈԵՎԱՆԱՆ

Նշանակէ զմատնիլն Տեառն մերոյ:

ԱՂՋՈՔ

Տէր իմ Յիսուս Քրիստոս, որ
համբուրիւ նենդութեան մասնեւ-
ցար 'ի Յուգայէ. չնորհեա' մե-
ղաւորիս՝ զի անխարդախ սրտիւ
պաշտիցիմ զքեղ զամենացն ա-
ւուրս կենաց իմոց. և միշտ պատ-
րաստ լինիցիմ առ 'ի կատարել


զպաշտօն սիրոյ՝ 'ի դէմս սիրելեաց
և ատելեաց իմոց :

ԵՐԳԵԼՆ ԴՊԲԱՑ ԶՄԵՎԵԳԻ

Նշանակէ զխոսիլն Տեառն մերոյ
քաղցրութեամբ ընդ Յուդայի՝ եւ ընդ
ամբոխին 'ի պարտիզի:

ԱՂՈՓՔ

Տէր իմ Յիսուս Քրիստոս, որ
վասն փրկութեան իմոյ ընդ դա-
ւաճանողաց թշնամեաց քոց քաղց-
րութեամբ եւ հեղութեամբ ան-
դորրաբար խօսեցար ընդ նոսա,
չնորհեա' մեղաւորիս՝ զի ըստ օ-
րինակի կենսատուիդ իմում ընդ
ամենայն հալածչաց իմոց և ատե-
լեաց՝ համբերութեամբ և երկայն-
մտութեամբ վարչոյիմ 'ի փառս
անուանդ քում սրբոյ :



ԵԶԱՆԵԼՆ ՔԱՀԱՆԱՐԻՆ
Ի ԲԵՍԽԵՆ

Նշանակէ զկառիլն եւ գած/լն Տհասոն
մէրոյ ՚ի պարտիզէն Զիթենեաց ՚ի
սալաւոն Աննայի:

ԱՂՈՓՔ

Տեր իմ Յիսուս Քրիստոս, որ
՚ի յանողորդից և ՚ի յամբարչաց
Հրէից լըմբանեցար, կազիցար և աւ-
ծար իրքե զսլարաւոր, չնորհեա/
մեղաւորիս՝ զի արդեամբ չարչա-
րանաց քոյ՝ տրճակիցիմ ՚ի կազա-
նաց մեղաց իմոց, և կտորակիցիս
սիրով բնող քեզ հաստատավէս:

ԵՐԴԵԼՆ ԳՊՐՈՑ
- ԱԲ ԳԵՐԱԳՈՅՆ -

Նշանակէ զաղաղակ դպրացն եւ փա-
րխեցոց ՚ի պալաւոին:


ԱՂՈՓՔ

Խոստովանիմ եւ հաւատամ ա-
մենակատար, ինքնակատար եւ
նախակատար, զհամագոյ և զպաշ-
տելի, երկրպագելի եւ գերագոյ
զամենասուրբ զԵրրորդութիւնն՝
զՀայր և զՈրդի և զՍուրբ Հոգին։
Հայր անծին և անսկիզմն՝ ծնող
Որդւոյ և յառաջառաքող Հոգ-
ւոյն Սրբոյ։ Իսկ Որդին ծնեալ ՚ի
Հօրէ նախ քան զյաւիտեանս ան-
մարմնաբար և անժամանակապէս։
Եւ Հոգին Սուրբ Բղիւեալ ՚ի Հօրէ
անհատաբար և անսպառապէս, հա-
մագոյակից Հօր և փառակից Որդ-
ւոյ։ Միութեամբն բաժանեալ յե-
րիս յանձինս, և Երրորդութեամբն
միացեալ ՚ի մի բնութիւն և ՚ի մի

Աստուածութիւն : Եւ արդ՝ աղաւնեմք զքեզ Հայր երկնաւոր, միջնորդութեամբ Միածնի Որդւոյքո, և գթութեամբ Հոգւոյդ Սրբոյ, տուր մեղ, Տէ՛ր, Հոգի զգաւտութեան, Հոգի խորհրդոյ, Հոգի հեղութեան, Հոգի զօրութեան, Հոգի լմաստութեան, Հոգի գիտութեան, Հոգի երկիւղի և աստուածպաշտութեան . և լից ամենայն բարեգործութեամբ, որպէս զի զկամս քո արարեալ յայսմաշխարհի, եղիցուք արժանի ողորմութեան քում 'ի հանդերձելումն չնորհօքն Քրիստոսի . ընդորում քեզ և Հոգւոյդ Սրբոյ վայելէ փառք, պատիւ և երկրպագութիւն յաւիտեանս յաւիաենից .

Ամէն :


Տէր իմ Յիսուս Քրիստոս, որ հեղութեամբ և խոնարհութեամբ համբերեցեր խրոխտանաց և բոպանալեաց դպրաց և փարիսեցւոցն վասն փրկութեան իմոյ, չնորհեամ' մեղաւորիս, զի երկայնամտութեամբ համբերեցեմ ընդդէմ ամենայն ոտնահարութեանց՝ երեւելեաց և աներեւութիւց թշնամեաց իմոց :



ԴԱՌՆԱԼՆ ՔՈՀԱՆԱՅԻՆ Ի ԲԵՄՆ
Նշանակէ զտանիլն Տեառն մերոյ ՚ի
պալատն Պիղատոսի:

ԱՂՈՓՔ


Տէր իմ Յիսուս Քրիստոս, որ
՚ի քահանայիցն և ՚ի ծերոցն մստ-
նեցար իբրև զմահապարտ ՚ի ձեռն
Պիղատոսի, չնորհեա' մեղաւորիս
զի զօրութեամբ չնորհաց քոց ա-
զատիցիմ ՚ի մատնութենէ ՚ի ձեռս
Խխանին խաւարայնոյ և արրա-
նեկաց նորին :



ԵՐԳԵԼՆ ԴՊՐԱՅ ԶՇԱՐԱԿԱՆ
Նշանակէ զամբաստանութիւն եւ զչա-
րախօսութիւն ամբոխին ժողովելոյ:

ԱԼՈՓՔ

Իւղ թափեալ անուն՝ միածին
Որդի Աստուծոյ՝ Աստուած ճշմա-
րիտ, որ յանձառական փառաց
խոնարհեցար 'ի հայրական ծոցոյ,
և առեր զմարդին 'ի սուրբ և յան-
շաղախ կուսէն Մարիամայ. եղեր
մարդ ճշմարտապէս՝ անփոփոխե-
լիդ 'ի յէութեան, անցանելով ընդ
ամենայն կիրա մարդկային՝ բաց
'ի մեղաց. 'ի յերկրի երեւեցար և
ընդ մարդկան շրջեցար, և կատա-
րեցեր զամենայն լստ օրինացն,
լրումն լինելով Մարգարէից և օ-
րինաց. զանիմանալի եւ զանհա-
սանելի անուշանոտութիւն Աստ-
ուածութեանդ բուրեցեր յաշխար-
հի՝ հաղորդելով զամենսեան երկ-



նաւոր և առատաբաշխ պարգեւիդ, 'ի յոր կցորդին զմայլեալ անմահացան տիեզերք: Եւ արդ՝ դու նոյն ինքն բարերար և բազումողորմ, բաց զքիմս մտաց իմոց հոտուաիլ 'ի հոտոյ անուշից մարմնոյ Աստուածութեան քո, և ընկա'լ զազօթս մեր իբրև զխունկ անոյշ և որպէս զՊատարագն Աբելի, Նոյի և Աբրահամու, և իբրև զբանաւոր պատարագս սրբոց քոց և սիրողաց անուան քո, որք 'ի սկզբանէ հաճոյ եղեն քեզ, որոց մասին եւ մեզ լիցի ժառանգութիւն շնորհոք Միածնիդ, այժմ և միշտ և յաւիտեանս յաւիտենից.

Ամէն:

ՇԲՁԱԲԵՐԵԼՆ ՔԱՀԱՆԱՑԻՆ
ԶՍՈՒՐԲ ԱԻԵՏԱՐԱՆ


Նշանակէ զըրջաբերութիւն Տեառն մերոյ
'ի տանէն Պիղատոսի առ տունն Հե-
րովդի:

ԱՂՅԹ-Ք

ՑԵՏ ՍՈՒՐԲ ԱՍՏՈՒԱԾԻՆ

Սուրբ Աստուած անմահ և հզօր,
որ սրբաբանեալ պաշտիս 'ի հրեղէն
և անմարմին զուարթնոցն, ան-
լոելի եւ անդադար օրհնաբանու-
թեամբ. զոր և Սերովբէքն սոս-
կալի և ահեղագոչ ձայնիւ երգեն
զերգս երեքսրբեան՝ բարեբանե-
լով զանմահ Տէրութիւնդ, և Քե-
րովբէքն գովասանական ձայնիւ
փառաւորեն զանբաւագօր Աստ-

ուածութիւնդ , և ամենայն զօշ
րութիւնքն վերնական գոհաբաւ
նեն երկրպագութեամբ , փառա-
ւորելով զամենազօր Թագաւոռ-
րութիւնդ : Ընդ օրս և մեք բա-
նաւոր հօտ քո , և ստեղծուածք
մնաբատ ձեռաց քոց , ժողովեալ
ի գաւիթ սուրբ Եկեղեցւոյ քո՝
կալով առաջիւ Աստուածընկալ
սուրբ Սեղանոյն՝ տկար անձամբ
եւ մեղաւոր շրթամբք երգեմք
զերգս երեքսրբեան սրբասացու-
թեամբ , և աղաչեմք զառատա-
բաշխ գթութիւնդ . ընկալ զպը-
տուղ շրթանց եւ զբանաւոր Պա-
տարագս սրտից մերոց 'ի հաճոյս
քո ըստ վերնոցն արժանաւորու-
թեան , եւ թող մեղ զամենայն
յանցանս մեր , զկամայ եւ զա-



կամայ, զգիտութեան և զանգիւ-
տութեան, զմտաց եւ զխորհրդոց,
զբանից եւ զգործոց, զհոգւոց և
զմարմնոց, եւ զամենայն մասանց
անդամոց, որպէս զի լիցի մեղ
կարողութիւն արժանապէս օրհ-
նել զքեղ եւ զովել զանուն քո
սուրբք: Տո՛ւր մեղ, Տէր, մաք-
րութիւն մտաց, զղջումն սրտից,
ճշմարտութիւն շրթանց, զարտա-
սուս աչաց, ամբծութիւն հոգւոց,
եւ սրբութիւն մարմնոց: Լցո՛ լղ-
մեղ ամենայն առաքինութեամբ,
պայծառ հաւատով, աներկբայ
յուսով եւ մաքուր սիրով: Եւ
զարդարեա՛ զմեղ խոհեմութեամբ,
ողջախոհութեամբ, արիութեամբ
եւ արդարութեամբ: Զօրացո՛ լղ-
մեղ յաղթող լինիւ ընդդէմ հաշ-

րից բանսարկուին, եւ զամենայն
նետս մուխս չարին շիջուցանել.
արդարութեամբ եւ աստուած-
պաշտութեամբ կալ մնալ յաշ-
խարհի լստ հաճոյից եւ ըստ կա-
մաց քոց, եւ յետ աստի կենացս
զանձառ բարկան վայելել Տերամբ
մերով. որում փառք եւ զօրու-
թիւն յաւիտեանս. Ամէն:

Տէր իմ Յիսուս Քրիստոս, որ
վասն իմ 'ի յանօրինաց արհա-
մարհեցար եւ այպանեցար. շնորհ-
եա՛ մեղաւորիս զի օգնութեամբ
սրբազնից քոյոց չարչարանաց
զերծանիցիմ 'ի խայտառակութե-
նէ սարսափելի հրապարակին:



ԸՆԹԵՌՆՈՒԼՆ ԶԳԻՐՍ
ՄԱՐԳԱՐԵԱԿԱՆՍ
ԵՒ ԶԱՌԱՔԵԼԱԿԱՆՍ
Նշանակէ զհարցաքննութիւն Հերով-
դէի եւ Պիլատոսի:

ԱՂՅԹՔ

ՅԵՏ ՈՒՆԿՆԴՐՈՒԹԵԱՆ
ԸՆԹԵՐՅՈՒԱԾՈՅՑՆ

Տէր իմ Յիսուս քրիստոս, որ
վասն իմ իբրեւ զպարտաւոր եւ
վեսագործ կացեր 'ի յատենի
դատաւորացն մեծաւ խոնարհու-
թեամբ, շնորհեա' մեղաւորիս,
զի 'ի միւսանգամ քո գալստեանն
զուարթերես մատչիցիմ, առ դա-
տաւորդ իմ երկնաւոր:

ԸՆԹԵՌՆՈՒԼՆ
ԶՍՈՒՐԲ ԱԻԵՏԱՐԱՆՆ
Նշանակէ զպատասխանիս Տեառն մե-
րոյ, զոր ետ Պիղատոսի:

ԱՂՈՓՔ

ՅԵՏ ՈՒՆԿՆԴՐՈՒԹԵԱՆ
ԸՆԹԵՐՑՈՒԱԾՈՅՆ

Տէր իմ Յիսուս Քրիստոս, որ
կալով առաջի Պիղատոսի՝ վկայե-
ցեր ճշմարտութեան, չնորհեա'
մեղաւորիս, զի հաւատով և սիրով
քո ամրացեալ՝ ոչ երկիցեմ 'ի յա-
նօրինաց և 'ի յանհաւատից բռնա-
ւորաց, այլ համարձակապէս խոս-
տովանիմ զքեզ Աստուածդ իմ
ճշմարիտ՝ մարմնացեալ, չարչար-
եալ եւ խաչեցեալ վասն փրկու-
թեան իմոյ:

ԸՆԹԵՌՆՈՒԼՆ
ԶՀԱԻԱՏԱՄՔՆ
Նշանակէ զուրացումն Պետրոսի
առաքելոյն:

ԱՂՈՓՔ

ՅԵՏ ԶՈՅԳ Ա.ՍՈՒԹԵԱՆ
- ՀԱԻԱՏԱՄՔ - ԻՆ

Տէր իմ Յիսուս Քրիստոս, որ
ըստ աստուածայնոյ քում տրա-
մադրութեան՝ թոյլ ետուր Պետ-
րոսի զքեզ մարդկապէս ուրանալ.
Չնորհեա' մեղաւորիս, զի զքեզ
միշտ ընդ Հօր և ընդ Հոգւոյդ սըր-
բոյ՝ մի Աստուած ճշմարիտ խոս-
տովանիցիմ, եւ հաւատայցեմ եւ
դաւանիցեմ:

ԴԱՐՆԱԼՆ ՔԱՀԱՆԱՅԻՆ
ԱՌ ՃՈՂՈՎՈՒԹԻՄ ԱՍԵԼՈՎ,
— ԽԱՂԱՂՈՒԹԻՒՆ .

Նշանակէ զգառնալն Տեառն մերոյ
առ Պետրոս :

ԱՂՕԹՔ

Տէր իմ Յիսուս Քրիստոս, որ
աստուածայնով քով գթութեամ-
բըդ դարձար և ակնարկեցեր առ
Պէտրոս՝ տալով նմա զղջումն եւ
զյորդումն արտասուաց . չնորհեա'
մեղաւորիս զճշմարիտ զղջումն
սրտի, զի զտիւ և զգիշեր ոզբա-
լով զախալանս իմ՝ ընդունիցիմ
զներումն եւ զթողութիւն ամե-
նայն մեղաց իմոց :

ԱՌՆՈՒԼՆ ՍԱՐԿԱՒԱԳԻՆ
Ի ԳԼԽՈՑ ՔԱՀԱՆԱՅԻՆ
ԶՍԱՂԱՒԱՐՏՆ

Նշանակէ զմերկացուցանելն Տեառն
մերոյ 'ի զի՞ւորաց :

ԱՂՕԹՔ


Տէր իմ Յիսուս Քրիստոս, որ
վասն փրկութեան իմոյ զգեստս
նախատանաց զգեցար, գանից և
ապտակաց համբերեցեր . չնորհեա'
մեղաւորիս, զի 'ի ձեռն ապաշ-
խարութեան մերկանայդեմ յինէն
զգեստս պղծութեան, և զգենու-
ցում զշնորհդ քո երկնային եւ
կապակցեցայց ընդ քեզ, զի դու-
ես վերականգնիչ իմ :

ԵՐԳԵԼՆ ԴՊՐԱՑ
ԶՄՐԲԱԾԱՅՈՒԹԻՒՆՆ

Նշանակէ զկատակիլն Տեառն մերոյ
'ի զինորաց:

ԱՆՕԹՔ

Տէր մեր Յըսուս Քրիստոս,
Որդի Աստուծոյ եւ Բան Հօր, որ
լսաւ անձառ բարերարութեան քո
ոչ կամեցար անտես առնել զու-
րարածս ձեռաց քոյ, այլ մարդա-
սիրապէս գիմացար յազգս մարդ-
կան. խոնարհեցար 'ի հայրական
ծոցոյ է՛ղ՝ Աստուած, առեր բզ-
մարմին 'ի սուրբ Կուսէն Մարփա-
մայ կամաւ Հօր եւ հաճութեամբ
սուրբ Հոգւոյն, զամեննայն բզ-
մարդկայինս յանձն առեր կրել
քաց 'ի մեղաց եւ զաստուածային




մարմինդ քո ետուր փրկանս փոխանակ բազմաց, ըստ կանխասացութեան անշուշտ հրամանի քո՝ խաչի եւ մահու համբերելով։ Հովիւդ քաջ, դանձն քո եղեր 'ի վերայ բանաւոր հօտի քո, ժողովել զցրուեալսն 'ի փարախ կաթողիկէ սուրբ Եկեղեցւոյ քոյ, լինիլ մի հօտ և մի հովիւ։ Վասն որոյ մեք ժողովուրդք եւ խաչն արօտի քո՝ երկրամած դիմօք խոնարհեալ եւ 'ի ծունկս անկեալ աղաչեմք զամբաւ մարդասիրութիւն քո. մի' թողուր զմեղ 'ի ձեռաց քոց, եւ մի' անտես առներ զամբիծ արեամբ քո փրկեալ հօտս. մի' տար զմեղ 'ի փորձ թշնամւոյն և հակառակորդին մերոյ. սրբեա' զմեղ 'ի մեղաց եւ մաքրեա զմեղ

յամենայն անօրէնութեանց մերոյ. լուա' զսիրսս մեր 'ի խղճէ չարեաց, եւ փրկեա զմեղ յանիշարեաց. լոյս տուր, Տէր, բաւութեանց. լոյս տուր, Տէր, աշաց մերոց, զի մի' երբէք ննջեստուք 'ի մահ, եւ մի' լիցի տեղի պարծանաց թշնամւոյն, այլ խորտակեալ ջալխեսցի գլուխս նորին զօրութեամբ ամենայաղթ Խաչի քո, և տկարասցին զօրութիւնք մեքենայից նորա։ Եւ տուր մեզ անարգել և անբռնադատ վճարել զկեանս մեր ամենայն արդարութեամբ՝ հետեւելով լուսոյ շաւաց եւ երկնաչու ձանապարհին. 'ի վայրի դալարւոջ բնակեցո' զմեղ եւ առ ջուրս հանգստեան մնո՛. զի տեսցէ թշնամին և ամաչեսցէ, զի քո եմք ստեղծեալք և քո եմք

փրկեալք . դու ես օգնական եւ
Փրկիչ մեր , զի բաց 'ի քէն զայլ ոք
ոչ գիտեմք և զանուն քո , Տէր ,
կարդամք զօրհանապաղ . մի՛ թու-
զուր զժառանգութիւն քո 'ի ձե-
ռաց քոց , այլ ամենազօր աջ քո՝
լիցի հովանի և պահապան 'ի վե-
րայ պաշտօնէից քոց բարեխօսու-
թեամբ սուրբ Աստուածածնին և
ամենայն սրբոց քոց , քեզ փառք
յաւիտեանս . Ամէն :

Տէր իմ Յիսուս Քրիստոս , որ
վասն 'իմ փշով պսակեցար , եւ
եղեգամբ գանեցար 'ի Հրէից .
շնորհեա' մեղաւորիս , զի զօրու-
թեամբ սրբազնից քոյոց չարչա-
րանաց զերծանիցիմ 'ի փշոց մե-
ղաց՝ և մերկանայցեմ զամենայն
հանդերձս չարութեան , և լինի-



ցիմ քեզ ճշմարիտ երկրպագու՝
մինչ 'ի վախճան կենաց իմոց :

ԵՐԶԱԲԵՐԵԼՆ ԳԱՀԱՆԱՑԻՆ
ԶԸՆԾԱՑՄՆ

Նշանակէ զածիլն Տեառն մերոյ 'ի
Պիղատոսէ արտաքս առ Հրէայս :

ԱՂՈՓՔ

Տէր իմ Յիսուս Քրիստոս, որ
վասն փրկութեան իմոյ ածիս
այսր եւ անդր իբրեւ զգառն
անմեղ, եւ իբրեւ զորոջ առաջի
կտրչի անմռունչ կաս. շնորհեա՛
մեղաւորիս՝ զի ամենայն վշտաց
և տառապանաց կենցաղոյս 'ի փառ
ուս անուանդ քում սրբոյ՝ առանց
ձանձրանալոյ համբերիցեմ:



ԿՈՒԱՆԱԼՆ ՔԱՀԱՆԱՑԻՆ
ԶՁԵՌՈՄՆ

Նշանակէ զլուանալն Պիղատոսի ըզ-
ձեռս իւր ՚ի վկայութիւն անմեղու-
թեան Տեառն մերոյ:

ԱՂՈՔ

Տէր իմ Յիսուս Քրիստոս, որ
՚ի յանիբաւ գատաւորէն Պիղատո-
սէ լուացմամբ ձեռաց նորին՝ ան-
մեղ, անսպարտ գոլ վկայեցար.
շնորհեա՛ մեղաւորիս զի զամե-
նայն աւուրս կենաց իմոց ՚ի մէջ
զանազան փորձութեանց ալեաց
ծովու աշխարհիս՝ անմեղութեամբ
կենցաղալարիցեմ ՚ի փառս քո:

ՈՂՋՈՅՆ ՏԱԼՆ ՄԻՄԵԱՆՑ
ԱՍԵԼՈՎ, ՈՂՋՈՒՆԱՏՈՒԻՆ

— Քրիստոս ՚ի մէջ մեր
յայտնեցաւ —

ԵՒ ԱՍԵԼՆ ՈՂՋՈՒՆԸՆԿԱԼԻՆ

— Օրհնեալ է յայտնութիւն
Քրիստոսի —

Նշանակէ զհաշտութիւն Պիղատոսի եւ
Հերովդէի:

ԱՂՈՔ

Միջնորդ Ասաուծոյ և մարդ-
կան, Տէր մեր Յիսուս Քրիստոս,
որ ամենաբարի եւ խաղաղաբար
միջնորդութեամբ քով հաշտեցու-
ցեր զշայր ընդ արարածո, և ա-
րարեր խաղաղութիւն երկնաւո-
րաց և կրկրաւորաց, հեռաւորաց

և մերձաւորաց եւ զնոյն խաղաշղութիւն շնորհեցեր Եկեղեցւոյ քո ասելով, զիսաղաղութիւն թողում ձեզ, զիսաղաղութիւն զիմ տամ ձեզ: Եւ այժմ, Տէր, աղաչեմք զքեզ՝ զերկնաւոր և զհաշտարար խաղաղութիւն քո Պարգեւեա՛ մեզ, զի խաղաղութեամբ և հանդարտութեամբ վարեսցուք ըզկեանս մեր առանց մեղաց եւ առանց գայթակղութեան; և սուրբ սրտիւ սիրել զմիմիանս որպէս դու զմեզ սիրեցեր. դնել զանձն ՚ի վերայ ընկերին, որպէս դու եղեր. և լինել առ միմեանս գըթածք, քաղցունք և բարերարք, որպէս դու արարեր. հնաղանդութեամբ եւ խոնարհութեամբ ծառայել միմեանց, որպէս դու

խոնարհեցար ՚ի ծունկս քոյոց Աշակերտացն. որով մարթասցուք լինիլ պատշաճապէս անդամք եւ մարմին գլխոյդ մերոյ: Եւ դու, Տէր, ասացեր՝ թէ ուր երկու և երեք ժողովեալ են յանուն իմ, անդ եմ ես ՚ի մէջ նոցա: Վասն որոյ եւ մեք ժողովեալ յանուն քո ՚ի գաւիթ սուրբ, կաթողիկէ և առաքելական Եկեղեցւոյ, և Աստուածային եւ սուրբ ողջունիւս եղեալ մի անձն և մի սիրտ, ըստ սրբոց Առաքելոցն: Լո՛ւր աղաչանաց մերոց, մարդասէր Տէր, եւ բնակեա՛ ՚ի սիրտ եւ յոգի ժողովելոց յանուն քո: Սրբեալ մաքրեա՛ եւ յարդարեա՛ զմեզ լինիլ ատածար եւ բնակարան ամենազօր նորհաց քոց. հեռացո՛ ՚ի մէնջ

զամնայն խորամանկութիւն եւ
զնենգութիւն թշնամւոյն, զի
սուրբ սրտիւ եւ մաքուր մտօք,
երկիւղիւ և արդարութեամբ զօր-
հանապազ փառաւորեսցուք զա-
մենազօր անուն քո, այժմ եւ
միշտ եւ յաւիտեանս յաւիտենից.
Ամէն :

Տէր իմ Յիսուս Քրիստոս, որ
քոյով կենարար չարչարանօքդ-
պատճառ եղեր հաշտութեան աւ-
նիրաւաց դատաւորացն . շնորհ-
եա՛ մեղաւորիս, զի՞ բաց լքեալ
զամենայն խովութիւնս և զո-
խակալութիւնս ընդդէմ ամենայն
հաւատացելոց եղբարց իմոց, սի-
րով եւ խաղաղութեամբ կենցա-
զավարիցեմ :

ԱՍԵԼՆ ՔԱՀԱՆԱՅԻՆ
ԶԵՐԵԲՈՐԲԵԱՆՆ
Նշանակէ զերիս սուտ վկայսն, որք
վկայեցին անյարմարապէս:

ԱՂՈՔ

Սո՛ւրբ, Սո՛ւրբ, Սո՛ւրբ, ՏԵ՛Ռ
զօրութեանց, լի են երկինք եւ
երկիր փառօք քո: Սերովբէքն
աղաղակեն հրաշալի եւ հոգեղէն
բարբառով առաջի փառաց աթո-
ռոյ Աստուածութեան քո. քանզի
զարհուրեալ՚ի հիասքանչ և՚իհրա-
շալի փառաց քոց, ո՛չ ունելով
կարողութիւն արժանապէս փա-
ռաւորել զանհասանելի մեծու-
թիւն քո: Վասն որոյ անլռելի
եւ անդադար օրհնաբանութեամբ
փառաւորեն զմիանական Աստ-

ուածութիւնդ , զպաշտելի և ըդհամագոյ Երբորդութիւնդ : Արդէ եթէ հրեղէնքն եւ անիմանալիքն չեն բաւական քոյոյ անբաւութեան , մեք հողանիւթեայքս և յերկիր կործանեալքս՝ զիա՞րդ կարացուք բովանդակել բանիւ զանբաւելի գթութիւնդ առ աւրարածս , եւ մանաւանդ առ աղգըս մարդկան : Որ նախ ՚ի սկըլքանն արարչագործ ձեռամբդ լատեղծեր զնախնին մեր զԱղամ , պատուելով զնա քան զայլ արարածս՝ որ բանիւ միայն արարան , և յետ պատուիրանազանցութեան պաղոյն ճաշակման , ո՛չ արարեր անտես զանկեալ բնութիւնս , այլ ետուր գօրէնս և աւաքեցեր զՄարդարէս՝ յայտնելով

զօգուտան , իսկ պատրեալքն ՚ի պատրողէն ոչ ծանեան զխորհուրդ բարերար կամմաց քոց : Ապա Հայութի երկնաւոր կամելով յայտառնել զանձառական սէրդ կապակցութեամբ Հոգւոյդ Սրբոյ , առաքեցեր զմիածին եւ զծոցածին Բանդ , որ եկեալ մարմնացաւ ՚ի սուրբ Կուսէն , եւ նովին մարմնովն համբերեաց չարչարանաց , Խաչի և մահու , և եղեւ քաւութիւն մեղաց մերոց : Վասն որոյ մեք ընդ Սերովբէիցն երգեմք նմա ասելով՝ Սուրբ , Սուրբ , Սուրբ , Տէր զօրութեանց , լի են երկինք եւ երկիր փառօք քո՞օրհնութիւն ՚ի բարձունս . օրհնեալ է գալուստ քո յաշխարհս ՚ի փրկութիւն մեր Քրիստոս Աստ-

ուած մեր . օրհնեալ է կենսաբեր
տնօրիչնութիւնն քո . օրհնեալ է
փրկաւէտ չարչարանք քո՝ որով
զերծաք ՚ի չարչարանաց եւ յան-
չարչարութիւնն վիճակեցաք : Օրհ-
նեալ է կենդանարար մահն քո ,
որով փրկեցաք ՚ի դառն մահուա-
նէ , եւ յանմահութիւնն երկնից
վերափոխեցաք . որ յաւէրժական
գոհաբանութեամբ մատուսցուք
փառս եւ երկրպագութիւնն բա-
րերարկ'դ՝ փրկչիդ և նորոգողիդ ,
յաւիտեանս յաւիտենից . Ամէն :

ԿՈՉԵԼՆ ՔԱՀԱՆԱՅԻՆ
– ԱՐԵՇ՝Ք ԿԵՐԵՇ՝Ք –

Նշանակէ զբանն Պիղատոսի որ ասաց
Հրէից , առէ՛ք զսա դուք՝ եւ ըստ ձե-
ռոց օրինացն դատեցէ՛ք :

ԱՂՈՓՔ

Օրհնեալ է պարգեւատունն կե-
նաց , եւ պարգեւնն անմահու-
թեան . Քրիստոս Աստուած մեր :

ԱՂՈՓՔ


ՅԵՏ ԱՍԵԼՈՅ
– ԱՐԲԵՇ՝Ք Ի ՍՄՈՆԵ –

Օրհնեալ է չնորհն ձրի , եւ
պարգեւնն անծախելի , կենդանի
և կենդանարար Մարմին և Սրիւն
Քրիստոսի Աստուածոյ մերոյ :

ԱՂՈՓՔ

ՅԵՏ ՀԱՅՐ ԵՐԿԱԾՈՒԹԻՒՆ
ՀԱՅՐ ԵՐԿՆԱԽՈՐ , բարերար
և բազումողորմ Աստուած , տուող
բարեաց և պարգեւիչ կենդանու-

թեան, որ ամենաբարի բնուշ
թեամբդ՝ յաղթեցար 'ի մարդա-
սիրութենէ, մինչ զի զհամագո-
յակից եւ զարարչակից, զաթու-
ռակից եւ զհաւասարակից Բանդ՝
առաքեցեր յաշխարհ, առ 'ի մար-
մանանալ 'ի սուրբ Կուսէն՝ եւ նո-
վին անմեղ եւ անպարտական
մարմնովն՝ եղեւ գին եւ փրկանք
ամենայն աշխարհի. զի ետօր
զնա 'ի զենումն, 'ի ման և 'ի փրր-
կութիւն վասն ամենայն հաւա-
տացելոց անուան քո մեծի: Եւ
այժմ աղաչեմք զքեզ, միջնոր-
դութեամբ Մարմնոյ եւ Արեան
Միաձնի քո հայեաց 'ի հեղումն
սուրբ Արեան նորա, եւ յանշըն-
չութիւն նորա 'ի խաչին 'ի բա-
ցումն փրկական աղբերաց նորա,



եւ արեամբ թաթառումն սուրբ
Մարմնոյ նորա, և անցո՛ 'ի մէնջ
զցասումն պատուհասի յանցանաց
մերոց բարերարութեամբ քով, զի
նորա եմք փրկեալ. ինայեա՛ 'ի
գինս սուրբ Արեան Միածնի քո,
եւ ողորմեա՛ բանաւոր հօտի քոյ՝
յուսացելոցս յանուն քո:

Ա.ՈՒՆՈՒԵԼՆ ՔԱՀԱՆԱՅԻՆ
ԶԲՆԾԱՅՍ Ի ԶԵՄՄԱՆ

Նշանակէ զգանիլն եւ զձաղիլն Տեառն
մերոյ 'ի Պիղատոսէ եւ 'ի զինորաց
նորին:

ԱՂՈՓՔ


ՅԵՏ ՅԱՄԵՆԱՅՆԻ

Արժանապէս օրհնեմք զքեզ, և
արդարապէս գովեմք եւ գոհա-


նամք զքէն Տէր Աստուած մեր,
որ լստ բազում ողորմութեան
քում անսկս արարեր զանարժան
գործս մեր, եւ այսմ չնորհի ար-
ժանաւորս կացուցեր, վասն մըջ-
նորդութեան Մարմնոյ և Արեան
Միածնի քո. հազորդս արա՛ փա-
ռաց Աստուածութեանդ քո, մի-
աւորելով լնդ գերապատիւ ճու-
խութեանդ քո: Վասն որոյ՝ յա-
մենայնի օրհնեմք, և լստ ամե-
նայնի գոհանատմք զքէն զօրհանա-
պազ, Տէր Աստուած մեր. ողոր-
մեա՛ մեզ:

ԽԱԶԱԿՆՔԵԼՆ ՔԱՀԱՆԱՅԻՆ
Խ.ՎԵՐԱՅ ՄԱՐՄՆՈՅ ԵՒ ԱՐԵԱՆ
Նշանակէ զբեւեռելն Փրկչին 'ի զին-
որաց 'ի վերայ Մրբոյ Խաչին:

ԱՂՈՓՔ



Տէր իմ Յիսուս Քրիստոս, որ
վասն փրկութեան իմոյ տարա-
ծեցեր զբաղուկո քոյ արարչա-
գործո, և 'ի վերայ Խաչափայտին
բեւեռեցար չնորհեա' մեղաւորիս,
զի զթախծեալ սիրտս իմ սիրով
ընդ քեզ բեւեռիցեմ, և մի՛ եր-
բէք 'ի քէն մեկուսացեալ հեռա-
նացեմ:



ԱՂՈՔ

ՅԵՏ ՈՐԴԻ ԱՍՏՈՒԾՈՅ

Հաց կենաց և բաժակ անմահութեան, միածին Որդի Աստուծոյ, Տէր մեր և Փրկիջ Յիսուս Քրիստոս՝ Աստուած ճշմարիտ, մանանայդ երկնային իջեալ 'ի վերուստ, եղեր կերակուր ամենայն հաւատացելոց քոց. հեղմամբ Արեան քոյ ողորմեա՛ բանաւոր հօտի քո, չնորհելով զթողութիւն յանցանաց հաւատացելոց. 'ի մահու լեր փրկութիւն հաւատացելոց, և արժանապէս ճաշակողաց զՄարմին և զԱրիւն քո սուրբ: Յիշեա՛ զփրկաւէտ չարչարանսն քո և զկենսատու ման, զարեամբ ճապաղումն 'ի Խաչին և զանտա-



Խաչին վերայ բազկատարած և բինագէտ: Գլուխն համակ արիւնամած փըշաւէտ. Ո՞հ, դա անոց Փրկիչն է իմ՝ իմ հոգւոյս, Ո՞հա՛ արարիշ, դա կեանք անմահիմ Յիսուս:

Նելի կիրսն , զոր ընկալար 'ի մար-
մնիդ վասն մեր : Նայեա'ց 'ի խո-
ցուածս արարչագործ ձեռաց եւ
ոտից քոց , եւ 'ի բացումն կենա-
րար վտակին՝ որով նորոգեցան
տիեզերք և արբեցան արարածք :
Նովին վտակօքն լուա' եւ մաք-
րեա' զմեզ յամենայն մեղաց մե-
րոց , և թող մեզ զամենայն յան-
ցանս մեր : Խնայեա' Արեամբ քո
փրկեալ հօտի , և այց արա մեզ 'ի
միւսանգամ գալստեան արքայու-
թեան քում . զի մահուամբ եւ
չարչարանօք փրկեցեր , Քրիստոս
Աստուած մեր , բարերար և նորո-
գոլ . և քեզ փառք և երկրպա-
գութիւն յաւիտեանս յաւիտենից .
Ամէն :



ԱՂՈԹՔ

ՅԵՏ ՀՈԳԻ ԱՍՏՈՒԾՈՅ

ՀՈԳԻ ԱՍՏՈՒԾՈՅ՝ Աստուած
ձշմարիտ , որ նախ 'ի սկզբանն
շրջէիր 'ի վերայ ջուրց , և սաեղ-
ծանէիր զարարածս յոչընչէ , եւ
պէսպէս հրաշմն գործեցեր յա-
ւուրս Մարգարէիցն . և 'ի ժամա-
նակի տնօրէնութեան էակցին քո՝
իջեր 'ի Յորդանան և 'ի Վերնա-
տունն , լցեր զԱռաքեալսն բազ-
մապատիկ շնորհօք : Եւ այժմ ա-
ղաչեմք զքեզ , միջնորդութեամբ
սուրբ Մարմնոյ եւ Արեան փա-
ռակցին քո՝ որ բազմեալ կայ 'ի
վերայ սրբոյ Սեղանոյս , Է՛ջ 'ի
սիրտս և յոգիս մեր , և մաքրեա'
զմեզ իբրեւ զԱռաքեալսն 'ի սուրբ


Վերնատանն , և բորբոքեա՛ ի մեղ
զկայծ սիրոյ աստուածութեանդ ,
զի արժանապէս լիցուք տաճար
և բնակարան քեզ և էակից Փա-
ռակցացդ . և ամենազօր շնորհիւ
քո՞ լիցուք վրկեալք յաւուր նո-
րոգման մերոյ , և քեզ նորոգողիդ
Աստուծոյ՝ վայելէ փառք յաւի-
տեանս . Ամէն :

ԿԱՆ ՍԱՐԿԱՆԱԳԱՅ
ՅԱԶՄԵ ԵՒ ՅԱՀԿԵ

Նշանակէ զերկուս աւազակս խաչե-
ցեալս յաջմէ եւ յահեկէ Տեառն մերոյ :

ԱՂՕՔ

Տէր իմ Յիսուս Քրիստոս , որ
վասն վրկութեան իմոյ ընդ անօ-
րէնս համարեցար , եւ երջանիկ



աւազակին գարքայութիւնն քո՞
խոստացար . չնորհեա՛ մեղաւորիս
զի յելաննելն հոգւոյս 'ի մարմնոյս ,
արժանի լինիցիմ՝ լսել զձայն քո
Աստուածայինն երանաւէտ :

Ա.ՍԵԼՆ ՔԱՀԱՆԱՅԻՆ
- ԷՆԴ ՈՐՍ ԵՒ ՄԵԶ -

Կշանակէ զդաւանումն աւազակին , եւ
ասելն յիշեա՛ զիս , Տէր , յարքայու-
թեան քում :

Ա.ՂՕԹՎ

Տէր իմ Յիսուս Քրիստոս , որ
բացեր զաշո մտաց աւազակին ,
զի զքեզ Տէր և Աստուած իւր
դոլ հաւատայր . չնորհեա՛ մեղա-
ւորիս զբացումն աչաց սրտի իմոյ ,
զի զքեզ ընդ Հօր և ընդ Հոգւոյդ

Արբոյ գոլ մի Աստուած հաւա-
տայցեմ . և արքայութեանդ քում
սրբոյ արժանի գտանիցիմ , և ընդ
Եկեղեցւոյն խրախուսելով՝ քեզ
փառս և երկրպագութիւնս վեր-
առաքիցեմ :

Ա.ՂՕԹՎ

Ի ԺԱՄՈՒ ԱՌԱՔԵԼՈՅԻՆ

Յիշեա՛ Տէր , և ողորմեա՛ , և
օրհնեա՛ զուխտ եւ զժառանգու-
թիւն Եկեղեցւոյ քում սրբոյ , և
չնորհեա՛ մեզ զերկնային քո զխա-
ղաղութիւն , զի մի՛ լիցի 'ի մեզ
տեղի և մուտ չարին . հեռացո՛ 'ի
մէնջ զամենայն խարդախութիւն
թշնամւոյն , և զբոնութիւնն որա
խորտակեա՛ բարեխօսութեամբ և

յիշատակաւ սրբունոյ Աստուածածնին, եւ սրբոյն Յովհաննու կարապետին, և սրբոյն Ստեփաննոսի նախավկային, սրբոյն Գրիգորի մերոյ Լուսաւորչին, և սրբոց Առաքելոց, Մարգարէից, և սրբոց Հայրապետաց, Մարտիրոսաց, Ճգնաւորաց, Կուսանաց, և ամենայն սրբոց քոց՝ երկնաւորաց և երկրաւորաց, որոց յիշատակն եւս օրհնութեամբ եղիցի 'ի մէջ սուրբ Եկեղեցւոյս և առաջի սուրբ Պատարագիս։ Ամէն։

Յիշեա՛, Տէր, զպաշտօնեայս քո՝ զծնողսն մեր՝ զվարդապետս, զեղբարս, զընկերս, զկերակրիչս, զուխտաւորս, զճանապարհորդս, զհանգուցիչս, զվաստակաւորս, զխոստովանողս, զապաշխարողս,

զգերիս, զհիւանդս, զնեղեալս, զիշխանս, զչարարարս, զբարերարս, զթշնամիս, զատելիս, եւ որք պատուիրեցին մեզ հաւատով։ Յիշեա՛, Տէր, և ողորմեա։

ԱՂՈՔ

ՅԵՏ ԳՈՀՈՒԹԵԱՆ

Յիշեա՛, Տէր, և ողորմեա, և դթա՛ 'ի հոգիս հանգուցեալ ծառայից քոց, որք ուղիղ դաւանութեամբ պաշտեցին զքեզ, եւ նովին հաւատով և յուսով ննջեցին 'ի քեզ։ Յիշեա՛ զնոսա յաւուր մեծի գալստեան արքայութեան քո, արա՛ արժանի ողորմութեան, քաւութեան և թողու-

թեան մեղաց . դասաւորեալ պայծառացո ընդ սուրբս քո յաջակողմեան դասուն , զի յաւէրժական խնդութեամբ և մշտնջենական ցնծութեամբ փառաւորեացեն զքեզ , Քրիստոս , ընդ Հօր և ընդ սրբոյ Հոգւոյդ , այժմ և միշտ և յաւիտեանս յաւիտենից . Ամէն :


ԵՐԳԵԼՆ ԿՊՐԱՅ ԶՀԱՅՐ ՄԵՐ
Նշանակէ զեօթն բանս , զոր ասաց
Փրկիչն մեր 'ի վերայ Խաչին :

ԱՂՈՓՔ

ՅԵՏ ԶՈՅԳ ԱՍՈՒԹԵԱՆ
ՀԱՅՐ ՄԵՐԻՆ

Տէր իմ Յիսուս Քրիստոս , որ
'ի վերայ Խաչին վասն փրկութեան իմոյ ծարաւեցար , եւ խա-

չահանուաց քոց աղօթեցեր . շնորհեա՛ մեղաւորիս զի փրկարար քոյսվ նպաստութեամբդ դառնայցեմ 'ի յախտից մեղաց իմոց , և ներելով իմոց պարտապահաց՝ քեզ ձշմարիս հովուիդ իմում հետեւիցիմ :



ԲԱՐՁՐԱՑՈՒՑԱՆԵԼՆ
ՔԱՀԱՆԱՑԻՆ ԶԼՆԾԱՅՍՆ
Ա. Ա Ե Լ Ո Վ.
— Ի ՍՐՅՈՒԹԻՒՆ ՍՐՅՈՑ —

Նշանակէ զաւանդումն Հոգույն Տեառն
մերոյ 'ի ձեռս Հօր Աստոծոյ 'ի վե-
րայ Խաչին :

ԱՂՅԹՔ

Զերեւելդ ինձ 'ի փրկութիւն՝
խոստովանիմ ճշմարտապէս Մար-
մին և Արիւն Քրիստոսի Աստու-
ծոյ՝ յուսոյ իմոյ, եւ աղաղակեմ
առ քեզ՝ մեղայ յերկինս և առա-
ջի քո. սրբեա զիս յամենայն
պղծութենէ հոգւոյ եւ մարմնոյ.
Հորհեա' ինձ ժամանակ և ցանկու-
թիւն ապաշխարութեան. փրկեա
զիս յերեւելի և յաներեւոյթ թըշ-

նամբոյ. ապաւորեա' զօգուտն հո-
գւոյ և մարմնոյ իմոյ: Պարգեւեա'
ինձ բարեգործութեամբ և բարե-
պաշտութեամբ զքեզ արժանա-
պէս ճաշակել, և փառաւորել ըզ-
Հայր և զՈրդի և զԱռարք Հոգիդ,
այժմ և միշտ և յաւիտեանս յա-
ւիտենից. Ամէն:

ԹԱՆԱԼՆ ՔԱՀԱՆԱՑԻՆ
ԶՊԱՏՈՒՄԿԱՆ ՄԱՐՄԻՒՆ
Ի ՅԱՆԱՊԱԿԱՆ ԱՐԵԱՆ
Նանակէ զներկիլն Արեամբ Փրկչին
մերոյ :

ԱՂՅԹՔ

Տէ՛ր իմ Յիսուս Քրիստոս, որ
ըստ նախագուշակութեանն Եսայ-
եայ Մարգարէին՝ հնձան հարեր՝

և զհանդերձ մարմնոյ քո ներկեալ
արեամբ քով թաթաւեցեր . Հնոր-
հեա' մեղաւորիս , զի ճաշակմամբ
նոցին մաքրէցիմ յամենայն աղ-
տեղութեանց հոգեկանաց , և իս-
կութեամբ սկրոյ ընդ քեզ՝ մին-
չեւ ցկէտ կոչման իմոյ կապակ-
ցիցիմ հաստատապէս :

ՈՂԲԵՐԳՎԱԿՍՆՔ

Վ.Ա.ՍՆ ՀԱ.ՄԱ.ՅՆ ԱԶԳԻ
ԵՒ
ԵԿԵՊ.ԵՑԱԿԱ.ՆԱՅ ՀՈ.ՅՈՅ

Եւ արդ Տէր իմ եւ Աստուած
իմ Յիսուս Քրիստոս , ես ամենա-
սիսալ և բազում չարեօք և անօ-
րէնութեամբ լցեալ ծառայս քո ,
արդէն յերկիր խոնարհեալ՝ կորա-



Զ գթութիւնն քո , Տէ՛ր , առաքեա
՚ի վերայ մեր եւ ամենայն
ժողովրդեան :

գլուխ անձամբ եւ մեծակական
ողբով՝ ի խորոց սրտէ հառաջեմ
առ ամենագթած Աստուածդդ իմ,
և աղաջեմ վասն ողորմելի և ան-
տերունչ աղգիս մերոյ . աղաղա-
կեմ առ քեզ՝ ո՛վ ողորմելեաց
Ողորմած, անտիրացելոց Տէր, ան-
ճարելոց Ճար, անօդնականից Օդ-
նական, անյուսից Յոյս և Ապա-
ւէն, նեղելոց և վշտացելոց հան-
գիստ և միսիթարութիւն: Գոչեմ
առ քեզ մեծաւ թախանձանօք.
բա՛ց, Տէր, զաջս քո, եւ տե՛ս
զողորմելիութիւն մեր . տե՛ս ըզ-
փոքրիկ հօտս քո, թէ ո՞րպէս եմք
ցրուեալ եւ տարագրեցեալ ընդ-
ամենայն երկիր եւ մատնեալ ՚ի
ձեռս օտարաց տերանց և թշնա-
մեաց, զրկեալ ՚ի սեպհական ընա-

կութեանց և ՚ի հայրենեաց մերոց:
Ո՛հ, զի եմք որպէս զնաւ զե-
կաբեկ, տառանեալք յալիս ծովու-
առանց զեկավարի, և որպէս ոչ-
խարք մոլորեալք ՚ի յանապատի
առանց հովուի . եւ ո՛չ ունիմք
զՄովսէս՝ որ առաջնորդեացէ . և
ո՛չ ունիմք զթեսու՝ որ ընդդէմ
թշնամեաց կացցէ . և ո՛չ ունիմք
զԴաւիթ՝ որ վասն մեր հաճոյա-
կան պատարագս մատուացէ քեզ,
եւ զսուր բարկութեան քո յետս
զարձուացէ: Եւ ո՛չ ունիմք ըզ-
Մարգարէ, զԹագաւոր և զԱռաջ-
նորդ, եւ ոչ զօդնութիւն իմն
յումեքէ:

Իշխանք մեր եւ աղատազ-
նեայք մերկացեալք յիշխանու-
թեանց և յընչից՝ և անկեալք ընդ-

իշխանութեամբ այլոց ծառայեն
թշուառութեամբ :

Հասարակ ժողովուրդքու գը-
րաւեալք 'ի ներքոյ ծանր լծոյ
եւ հարկի այլազանց՝ հազիւ թէ
հայթայլթանօք գտանեմք զապ-
րուստս կենաց մերոց . և զսեր-
մանեալսն և զվաստակս մեր այլք
ուտեն եւ վայելեն :

Եկեղեցիք վայելչագեղք եւ
վանօրայք պայծառաշէնք՝ որք
յանուն քո և 'ի յիշատակ սրբոց
քոց սիրելեաց կառուցան , Հո-
գոյդ Սրբոյ օծմամբն կնքե-
ցան , և ամենայաղթ Խաչիդ նշա-
նաւն պսակեցան , յորս մատչիւր
պատարագ Գառնդ Աստուծոյ 'ի
փրկութիւն աշխարհի , յորս կա-
տարեին սրբագործ և հոգեկեցոյց

խորհուրդք քո , յորոց ելանէին
և վերառաքէին առ քեզ ձայնք
օրհնութեանց ևւ փառաբանու-
թեանց , բուրմունք հոգեւորա-
կանք , նուերք հաճոյականք և
ազօթք հաշտարարք , ահա' լստ
մեծի մասին ամայացեալք եւ ա-
պականեալք՝ գողոց և գաղանաց
օթարան են եղեալք :

Յիրաւի ձգեաց թշնամին ըզ-
ձեռն 'ի ցանկալիսն քոյ : Մաին
հեթանոսք 'ի ժառանգութիւնս
քոյ եւ պղծեցին զսուրբ տաճարս
քո : Սրահք և սրբութիւնք նոցտ
դարձան յապականութիւն : Առգ
առին ճանապարհք նոցտ Հատան
երթեւեկք տօնից տարեկանաց նո-
ցա : Լոեցին 'ի նոցանէ ձայնք
օրհնութեանց ևւ փառաբանու-

թեանց : Գաղանք եւ յափշտաշ
կողք մուտ և ել առնեն 'ի նոսա :
Աքանչելարար դամբարանք եւ
բժշկարար նշխարք սրբոց՝ որք
'ի նոսա , կոխան եղեն ոտից ան-
սրբոց եւ պղծոց : Քահանայք եւ
պաշտօնեայք նոցա հալածեալք :
Ուստի եղաք մեք մնացողքս նա-
խարինք դրացեաց եւ այսն կա-
տականաց թշնամեաց մերոց :

Արդ՝ այս ամենայն եկին եւ
գան 'ի վերայ մեր վասն մեղաց
մերոց : Քանզի մեք մեղաք , ա-
նօրինեցաք եւ ապստամբեցաք 'ի
քէն . վասն այսորիկ և դու թոյլ
ետուր այս ամենայն չարեաց դալ
'ի վերայ մեր եւ տիրել մեղ , եւ
մասնել զմեղ 'ի ձեռս թշնամեաց՝
տերանց ապստամբողաց . որպէս

ահա եմք տառապեալք 'ի վերայ
ամենայն երկրի այսօր վասն մեշ-
ղաց մերոց : Ուրեմն Աստուծոյդ-
մերում արդարութիւն , և ամօթ
երեսաց մերոց :

Արդ՝ այժմ առ ո'վ դիմեա-
ցուք , ո'վ Աստուած մեր , և ում
պատմեսցուք զցաւս մեր . եթէ ոչ
քեզ բարկացելոյդ . որ որպէս ար-
դարութեամբ խրատեցեր և հարեր
զմեզ , կարող ես և դու ողորմու-
թեամբդ անդրէն վերստին բժշկել
և միմիթարել :

Վասն որոյ՝ ահա անկանիմ ա-
ռաջի անոխակալիդ Աստուծոյ և
ըստ անառակին գոչեմ . մեղաք
յերկինս եւ առաջի քոյ . մեղաք
ստեղծողիդ մերոյ . մեղաք բա-
րերարիդ մերոյ և Աստուծոյ :

Ակաչեմ գքեղ ; անոխակալ Տէր
Առտուած , դարձիր 'ի բարկուա
թենէ քումմէ եւ անցո' 'ի մէնջ
կցասումն քո . մի' յիշեր զմեղս
մեր զառաջինս , վաղվաղեսցէ առ
մեղ ողորմութիւն քո , զի աղքա-
տացաք յոյժ : Զարթի'ր , Տէր ,
դարթի'ր . արի' եւ մի' մերենր
զմեղ իսպառ : Մի' մոռանար զաղ-
քատութիւն և զնեղութիւնս մեր :
Արի , Տէր , օդնեա' մեղ և փրկեա
զմեղ վասն անուան քոյ , որ կու-
չեցեալ է 'ի վերայ մեր : Մի' մատ-
ներ զմեղ իսպառ վասն անուան
քոյ . մի' յըեր զուխտս քո . եւ
մի' 'ի բացեայ առներ զողորմու-
թիւնս քոյ 'ի մէնջ : Զի դու մի-
այն ես Տէր մեր եւ թագաւոր .
դու միայն ես Փրկիչ մեր և օդ-

նական . դու միայն ես ապաւէն
մեր և յոյս : Զի բայ 'ի քէն դայլ
ոք ո'չ դիտեմք , եւ զանուն քո
կարգամք հանապաղ : Տե՛ս զտա-
ռապանտ ազգիս մերոյ . հաս յօդէ
նութիւն և այց արա :

Եւ որպէս գթայիր հնոյ ժու-
ղովրդեանն վասն Արքահամու ,
իսահակայ , Յակովբայ եւ վասն
Դութի ծառայից քոյ . գթա' եւ
այժմ նորոյ ժողովրդեանդ և փու-
քու հօտիդ , վասն սրբուհւոյ Աս-
տուածածնի՝ անարատ ծնողի քոյ ,
սրբոյն Յովհաննու Կարապետին և
Մկրտչին քոյ . սրբոյն Ստեփան-
նոսի նախավկային քոյ . սրբոց
Առաքելոցն և Մարգարէից քոյ ,
և սրբոյ Առաքելոցն և յատուկ
Լուսաւորչացն մերոց Թագէսոփ

եւ Բարդուղիմէսսի, եւ սրբոյն
Դրիգորի բազմաչարչար վկային
քոյ. և նորին Որդւոց և Թռուանց՝
ընտրելոց ծառայից քոց. և սրբոց
Հոփփսիմեանց եւ Գայիհանեանց՝
յաղթող վկայիցն քոց: Եւ բարե-
խօսութեամբ սրբոց Հայրապետաց
և Վարդապետաց, ձգնաւորաց,
Մարտիրոսաց, Կուսանսաց, և աւ-
մենայն սրբոց քոց հնոց և նորոց
յայտից և անյայտից:

Այլ և բարեխօսութեամբ սրբոց
քոց երկնաւորացդ՝ Գայրիելի և
Միքայէլի եւ ամենայն անմար-
մնական դասուցդ:

Զի եթէ վասն բազում մեղաց
մերոց և անօրէնութեանց առ ժա-
մանակ մի թողեր զմեղ, դար-
ձուցեր զերեսա քո ՚ի մէնջ եւ

տրտմեցուցեր, վասն պատուական
Սրեան քո՞ եւ վասն արդարու-
թեան սիրելեաց քոց՝ դարձ առ
մեղ. և ողորմութեամբ քով մե-
ծաւ ողորմեաց մեղ. և ուրախացո
զմեղ՝ որպէս ասացեր առ Եսայ-
եաւ; Լսեցո՞ և մեղ զայն երանաւ-
էտ ձայնն թէ՝ Լուսաւորեաց
Եկեղեցիդ Հայաստանեայց և ու-
րախեր, զի հասեալ է լոյս քո՞;
Ահաւասիկ ես դարձուցանեմ ՚ի
քեզ զմաղաղութիւն իբրեւ ըզ-
գետ. եւ զմանկունս քո ՚ի հե-
ռաստանէ ՚ի վերայ ուսոց իւր-
եանց բարձեալ բերիցեն: Յիրա-
ւի՝ այդպիսի ամենակարող Աստու-
ծոյ ողորմութեան եմք մնացեալ
ապաստան, ողորմած Աստուած:

Ուրեմն հաշտեաց ընդ մնացոր-

դաց ժողովրդեան քոյ, փրկեա՛
զմեղ մեծաւ սքանչելեօք. ժողով
վեա՛ զմեղ 'ի գոգ սիրայդ և միսի-
թարեա՛ 'ի փասս անուան քոյ սըր-
բոյ, սր կոչեցեալ է 'ի վերայ մեր:

Այլ և աղաչեմ զքեղ, Տէր իմ
և Աստուած իմ, վասն ամայա-
ցելոց և անշքացելոց վահորէից և
եկեղեցեաց մերոց: Լուր մեզ՝ ա-
հա՛ նեղեալ անձամբք աղաղա-
կեմք:


Մի՛ յիշեր զմեղս մեր, որով
բարկացաւցաք զքեղ. այլ յիշեա
զուրբան քո՛ յորոց անուն կա-
ռուցան եկեղեցիք մեր: Զսուրբ
և զմաքուր նշխարս նոցա, որք
ամփոփեալք են 'ի նոսա. և զըր-
բութիւնն՝ յորոց վերայ անուն
քո կոչեցեալ է:

Եւ ոչ եթէ վասն արդարու-
թեան իմոյ արկանեմ զայս աղերս
առաջի քո, այլ վասն բազում
գթութեան քոյ եւ վասն սիրայ
սիրելեաց սրբաց և սրբութեանց
քոց:

Ուրեմն աղաչեմ զքեղ, սզոր-
մած եւ գթած Աստուած, վասն
անհուն ողորմութեան քոյ, 'ի սէր
սրբաց եկեղեցեաց և սրբութեանց
քոց, բարեխօսութեամբ քեղ հա-
ճայացելոց սրբոցն քոց, եւ միջ-
նարդութեամբ նոցին չարչարա-
նացն, պատուական արեանն, և մա-
քուր նշխարաց և դամբարանացն
ողօրմեա՛ եւ այց արա: Որպէս
տառապեցուցեր բարկութեամբդ,
նմանապէս բժշկեա՛ և միսիթարեա՛
ողօրմութեամբդ: Զի որպէս տեսին

աչք մեր զամայութիւն և զապականութիւն նոցին վասն մեղաց մերոց, տո՛ւր մեզ տեսանել վերըսափին զվերանորոգութիւն եւ զպայժառութիւն նոցին վասն սիրելեաց սրբոց քոյ :

Եւ որպէս հատան եւ լոեցին ձայնք օրնութեանց եւ փառաբանութեանցն 'ի նոցանէ, արազի վերստին զօրասցին եւ բարձրասցին 'ի փառս անուան քոյ. զի ծանիցեն ամենեքեան թէ՝ կոչեցեալ է անուն քոյ 'ի վերայ մեր և նոցա: Զորս և մեր տեսանելով վերառաքեսցուք փառս եւ գոհութիւնս 'ի յերկինս քեզ ընդ Հօր և ընդ Սրբոյ Հոգւոյդ, այժմ և միշտ և յաւիտեանս յաւիտենից. Ամէն:



ԴԱՌՆԱԼՆ ՔԱՀԱՆԱՑԻՆ
ԱՌ ԺՈՂՈՎՈՒՐԴՆ ԸՆԾԱՑԻՆ
ԱՍԵԼՈՎ, - Ի ՍՈՒՐԲ Ի ՍՈՒՐԲ -
Նշանակէ գճանգչելն Յանին Աստուծոյ
'ի գիրկս Մօր իւրոյ յետ իջանելոյն
'ի խաչէն :

ԱՂՋՈՓՔ ԵՐԿՐՊԱԳՈՒԹԵԱՄԲ

Խոստավանիմ և հաւատամ, զի
դա՛ է ճշմարիտ Մարմին և Արիւն
Յիսուսի Քրիստոսի Որդւոյն Աս-
տուծոյ, որ բառնայ զմեզս աշ-
խարչի :

ԱՂՋՈՓՔ

Տէր իմ Յիսուս Քրիստոս, որ
իիջաննելն քո 'ի Խաչէն՝ հանգեար
'ի գիրկս Մարիամու՝ անարատի

Մօք քո, և ցօղով կաւզական ար-
տասուաց նորին ոռոգանիլ հա-
ճեցար, շնարհեա՛ մեղաւորիս զի
գսիրա իմ մեղսամած՝ քեզ կեն-
սատուիդ իմում օթեւան և առա-
գաստ պատրաստեցից, և անդա-
դար զիսոցուածս մարմնայդ սգ-
բալով համբուրեցից :


ԱՐԿԱՆԵԼՆ ՔԱՀԱՆԱՑԻՆ ԶՄԻ ՄԱՍԻ ԿԵՆԱՐԱՐ ՄԱՐՄՆՈՅՆ Ի ԲԱԺԱՆԻՆ

Նշանակէ զիջումն Հոգուոյն Տեամ
մերոյ 'ի գժոխս առ նախահարս :

ԱՂՋՈՓՔ

Տէր իմ Յիսուս Քրիստոս, որ
ըստ անձառելի ողորմութեանքում

իջեր ՚ի դժոխս միաւորեալ Աստուածութեամբդ առ ՚ի սփոփել և վերածել զնախահարս . շնորհեամեղաւորիս , զի ՚ի մէջ դժոխոց մեղաց իմոց արժանի լինիցիմայցելութեանդ , և օգնութեամբ քովյառնիցեմ ՚ի մեռելոտի դործոց իմոց . Ամէն :



Դրան ակաթ բռնի սիստ գոհի

ՃԱՇԱԿԵԼՆ ԳԱՀԱՆԱՅԻՆ
ԶՄՐԲԱՐԾՐ ՄՄՐՄԻՆ
ԵՒ ԶՄՐԻՒՆ ՏԵԱՌՆ ՄԵՐՈՅ
ՆՀԱՆԱԿԷ զթաղումն Տեառն մերոյ
երեքօրեայ՝ ի զերեզմանի :

ԱՂՅԹՔ

ԵՐԲ Ա.ՍԻ


— ՔՐԻՍՏՈՍ ՊԱՏԱՐԱԳԵԱԼ —

Միածին Որդի Աստուծոյ եւ¹
Բան չօր, արարիչ երկնաւորաց
և երկրաւորաց և լցուցիչ համայն
արարածոց, որ լնուս զամենայն
յամենայնի, անպարագընի գոլով
բնութեամբ՝ բովանդակեցար՝ ի
մարմնի, զի տեսանելի և չօշա-
փելի լիցիս մարդկային ազգի,

վասն որոյ ճաշակելի և կերակուր
եղեք ամենայն հաւատացելոց, զի
տացես զկեանս յաւիտենականո
այսոցիկ՝ որք հաւատով և որրուշ
թեամբ մերձենան ՚ի քեզ՝ ըստ
անսուտ խոստման քո, մարդաւ
նէր : Եւ այժմ մեք փրկեալքո
պատուական արեամբ քո՝ հաւա-
տով տեսանեմք զՓրկիչի մեր բո-
լորապէս պարունակեալ ՚ի ներքոյ
կրկին տեսակաց՝ հացին և գին-
ւոյն, հոգւով, մարմնով եւ Առ-
տուածութեամբ : յաղագս որոյ
երկրպագութիւն մատուցանեմք
փրկողի՛տ մերում, եւ աղաչեմք
զանբաւ գթութիւն քո : Լոյժ
զկապ մեղաց մերոց, եւ ջնջեա-
զձեռագիր մերոյ անօրէնութեան,
բեւեռեալ զմեղ յթրկիւղ և ՚ի սէր

քո սուրբ, զի միշտ գնասցուք
արժանի կոչմանն՝ յոր կոչեցեր
զմեզ: Տուր մեզ, Տէր, բանաւոր
հօալի քո յամենայն սրտէ հետեւել
միայն զկնի ճշմարիտ հովուիդ և
կատարել զկամս քո, և լսել զե-
րանաւէտ բարբառ քո. աճել օր
ըստ օրէ, և պահել զպատուիրանս
քո զօրհանապազ: Պարգեւեա' մեզ
զսիրտ սուրբ եւ զհոգի խոնարհ,
զի մի՛ արհամարհեալ լիցուք ա-
ռաջի քո. մաքրեա' զմիտս եւ
զխորհուրդս մեր, որպէս սրբոց
քոց Առաքելոցն, զի ընդ նոսին
արժանի լիցուք զսուրբ և զսըր-
բարար, զկենդանի և զկենդանա-
րար Մարմին և Արիւն քո՝ Քրիս-
տոս Աստուած մեր, ճաշակել և
ընդունիլ յուսով կենացն յաւիշ-

տեսից ընդ ամենայն սուրբս քո,
այժմ և միշտ և յաւիտեանս յա-
ւիտենից. Ամէն:



ԱՂԵՐՍԱՆՔ

Վ.Ա.ՍՆ. ԽԱՉԻ

ԵՒ ԶԱՐՉԱՐԱՆԱՅ ՓԲԿՉԻՆ

ԳՐԻԳՈՐԻ ՆԱՐԵԿԱՑԻՈՆ – ԲԱՆ Դ.

Բարեբանեալ Աստուած Երկնաւոր, միայն արարիչ, Տէ՛ր ամենակալ, մեծութի՛ւն անեղ, Գըթութի՛ւն օրհնաբանելի, ողորմութի՛ւն խոստովանելի, բարերարութի՛ւն Երկրպագելի, խնամակալութի՛ւն պաշտելի, մարդասիրութի՛ւն տօնելի, պահպանութի՛ւն խնկելի, բարձրեա՛լ անքնին, մերձաւո՛ր կամարար, ապաւէ՛ն անկասկածելի, միսիթա՛ր սրտից, փարատի՛չ վշտաց, ապաքինի՛չ ցաւոց, սպառո՛ւմն վհատութեանց, բար-

ձո՛ւմն պարտեաց, փոխարկի՛չ կարեաց, կարդաւորի՛չ կրից, յարմարի՛չ բանից, սանձարկո՛ւ լեզուի, շրջադրութի՛ւն շնչոյ, կացուցի՛չ հագագի, ամփոփի՛չ խորհրդոց, կրթարան կամաց, արձանացուցի՛չ յուղմանց, հանդարտութի՛ւն մըրկաց, խաղաղութի՛ւն ծփանաց, որ ունիս զթեւոց ամենընթաց իշխանականիս, և իմաստութեամբ նուածեալ առ քեզդարձուցանես:

Գոհաբանեալ մի՛շտ Երախտաւոր, որ հեղութեամբ անհպարտութեան Երկայնամտեալ՝ հանգչիս տենչանօք, անձառ հրաշիւք յանձինս սրբոց: Թագաւոր Եփից համայնից՝ ամենայնիւ ծանուցեկալ գթած. սկզբնահայր և նա-

խաշաւիղ՝ սիրոյն ընթացից . ճա-
նապա՛րհ կենաց , որ առաջնորդես
քաղցրութեամբ՝ դիմելոյս՚ի լոյսդ
վերին : Զեռնկալու մե՛ծ վստա-
հութեան , որ ո՛չ թողացուցանես
գայթակղեցելոյս՝ ՚ի վայր կործա-
նիլ . յուսո՛յ կերպարան ճշմարիտ ,
առհաւատչէիւ աղաչողաց մա-
տանց՝ յայտնի երեւեալ . ապաւի-
նութի՛ւն հանգստեան՝ որ ո՛չ եր-
բէք մատնես՝ վտանգի դատապար-
տութեան : Ազատութի՛ւն չնոր-
հաձիր , որ ասս լիապէս՝ առանց
փոխատրութեան փրկանաց . ա-
ռատութի՛ւն աննախանձելի , որ
քոյն փառաւորութեամբդ՝ զա-
նարդ նիւթ հողոյս ճոխացուցա-
նես . Պայծառութի՛ւն անըստուեր ,
որ ճառագայթիւք ահեղ բար-

ձրութեան պարածածկեալ զթըշ-
ուառս՝ կրկին բարգաւաճ առնես ;
Քաւի՛չ մեղանաց բազմաց , որ
զներքեալս՝ ՚ի փրկութենէ՝ առաջ-
նովն պայծառութեամբ նորո-
գեալ . վերասդն վայելչացուցանես
Հնարաւո՛ր դիւրահամ՝ առ ամե-
նայն անբաւ գերամբարձութիւն
յաւէտ յառաջեալ , Ե՛լք վստահու-
թեան՝ առ խոստացելոցն վայելս .
Երանութի՛ւն անձկալի , յոր զկեն-
դանութիւն չնչոյս լքանել է ա-
խորժելի՝ զի զքեզ գտից , կեն-
դանի՛ս Կամք անփոխաղբելի , առ
՚ի քաւութիւն գերւոյս զօրա-
ցեալ ամենագովելի . անսխալելի
գե՛ղ կենաց , որ և մեռելոց բնա-
ւին եղծելոց՝ առնես զսքանչելիս :
Ամենասամե՛ղծ աներկլայելի , որ

գհուըրբ կիզեալն , և զհողմով հուսեալն , և զժանեօք գաղանաց ծախեալն՝ 'ի քթթել ական նովին հիւթականութեամբ անպակաս յարուցանես : Անհաւասա՛ր համարձակութիւն , յորում Աստուածօրէն պանծանօք պարծիլն է իրաւացի :

Հայերա՛ց , Տէր , յերկնից զըւարթ քաղցրութեամբ՝ յամենակործան վտանգ նեղելոյս , եւ արա՛ անդորր հանգստական դիւրաւոր՝ 'ի բազմատագնապս հեծութենէ : Եւ զյարուցեալ գուշմարս սատակչացն , եթէ՛ մպառազէնք այսական դժնեայ հնարաւորութեան՝ բուռն մարտակցաց , պատկանեալ դինուք , եթէ՛ մեղաց տգեղ՝ և քո ատելի կերպարանք , եթէ՛ ցաւոց և ախտից՝ վատնիչ և

կորստական նշմարանք , մերժեսցես , հանցես , հատցես , խափանեսցես , և հալածեսցես՝ հեռի սահմանաւ իսպատարագրեալ , անդարձ որոշմամբ վերստին կորստեանն . և կառուցցե՛ս , կացուցցե՛ս նպատակ կենաց և ամուր մահարձան զնշան իշաշիդ՝ ապաւինելոյս 'ի քեզ փրկութիւն : Եւ յայսմ անպարտ անպատիր և անվանելի արուեստից՝ ահաւորիդ մեծութեան , լուծցին որոգայթքն դաղոնածածուկ , սատանայականք , կապտեսցին մեքենայքն , վատնեսցին դայթակը դութիւնքն , խայտառակեսցին հաղբիցն դրութիւնք , յայտնեսցին երեւոյթք որսոյն , գտցին նենգուղին ծուղակք , վերասցին վարմին վերաբրկուք , որոշորեսցին որոմանցն

բոյսք, նզովեսցին բռնաւորին չա-
րաբանութիւնք, կտրեսցի լար խա-
բէութեան 'ի մահ որսողին, պար-
սեսցին պատրողին բանսարկու-
թիւնք, պակասեսցին զէնք զըր-
պարտողին, անկցին սուսերք մա-
հաբերին, սուզեսցին սադրողին
պատրաստութիւնք, արձակեսցին
տոռունք տագնապողին : Այլայ-
լեսցին սուտ կերպարանք կեղծա-
ւորին, սատակեսցին խրոխտակա-
նացն խիստ յարձակմունք, ցըր-
ուեսցին կցորդութիւնք կերչացն.
բաժանեսցին ազինք աւազակացն,
քայքայեսցին բոյլք բարբարո-
սացն, քանդեսցին ամրոցք ա-
պլատամբողացն, արգելցին ամպ-
րոպք յանդգնելոցն, փարատես-
ցին փորձողին անձրեւք, հալեսցի

և ցամաքեսցի եղեամն աղանդա-
ւորին : Խորտակեսցի եղջիւր գո-
ռողին, մանրեսցին ամբառնալիք
դրօշիցն կերպարանաց, փշրեսցին
ամբարհաւաճութիւնք հպարտա-
ցելոցն, նահանջեսցին դիմեցմունք
ճակատելոցն, քակտեսցին միաբա-
նութիւնք զօրացն Բելիարայ՝ թէ՛
անմարմինք և թէ՛ մարմնաւորք,
փախիցեն ընդ նոյն ճանապարհ 'ի
մի շաւզաց հետոց, յեօթն տարա-
կոյս . 'ի գուբն ինձ փորեալ՝ ինք-
եանք ընկճեսցին : Յեղանակեսցին
ձմերունք ձանձրացուցչին, հատցի
կապն՝ կցորդութեան մշտաջան ա-
ւազակին, նողկասցի մտացս կայից՝
համբոյք շողոքորթին, ընդմիջեալ
մեկնեսցին՝ նետաձգութիւնք նեղ-
չին, կացցէ 'ի սասանման՝ նաև

իսարդախողին, խլեսցին յարմատոց անտի՝ ատամունք խածանողին:

Վասն փայտիդ օրհնութեան կենաց՝ յորում պրկեցար Աստուածդ անըմբունելի, յիշատակաւ բեւեռացդ՝ որով՝ ի գործի մահուն մածուցար արարիչդ երկնի և երկրի, արեամբդ աէրունականաւ՝ որով զվիշապն մեծ կարթիւ ածեալ որսացար, լեզւոյն դառնութեամբ զոր արքեր, որով զդեզատուութիւն կորուաչին արտաքս հեղեր, պատ մաքանութեամբ ըզձական ճառից կրիցն սարսափելեաց՝ որով զլրբութիւն հակառակողին ըմբերանեալ ամաչեցուցեր, անուամբդ անհասականաւ ամենայնիւ անթարդմանելուոյդ՝ յորմէ դողան և

դատապարտին սոսկացեալ սաստիկ սարսափմամբ բնութիւնք աւմենայն երեւութից և աներեւութից. եղիցին այս ամենայն պարգեւք շնորհաց՝ խոստովանելոյս 'ի պաշտպանութիւն, 'ի բժշկութիւն եւ 'ի քաւութիւն: Եւ մահաբերդառնաթոյն օձին, և որ 'ի նմաազդեաց տիեզերադաւ չարութիւնն՝ 'ի սատակումն եղիցի նորին. նոյն ինքն 'ի կորուստ, և յանբժշկական հարուած տանջանացն՝ սովաւ մասնեցի, կապեսցի և ըմբռնեցի: Եղիցի՝ ողորմութիւն ստեղծողիդ ընդ իս, և շունչով ւոյս իմ ընդ քեզ անբաժանօրին կապաւ միացեալ 'ի մի:

Եւ որ ոք ընթերցցի զայս աղերս ձայնի մաղթանաց՝ գոչման

աղօթից, հայցման ծերոյ և տղայոյ, կուսի և երիտասարդի, և եթէ յաղախնեաց ոք պաղատեսցի աստուածիրաբար, հաւասարապէս անաշառութեամբ ընկալցին 'ի քէն մասն երանութեան՝ պարտուց ազատութեան, հաստեալ վերստին յանարատութիւն նորոգ մաքրութեան, նկարեալ դարձեալ զքոյդ կերպարան անփոփխելի։ Ահա՝ տիրապէս ննարաւոր, զօրեղ, անպատում, անհաս, անիմանաւլի, տեսցե՛ս աստանօր 'ի հառաչանս կողկողանաց այսր հեծութեան, որ 'ի բոլորից շրթանց ընծայեալ քեզ մատուցանի, վասն Հօր քո երկնաւորի և բարերարի, եւ Հոգւոյդ Սրբոյ՝ փառակցի եւ կենդանատուի։ Աստուածածնիդ

բարեխօսութեամբ եւ ինդրուածովք ամենայն սրբոց։ Զի դու ստեղծեր զամենայն, եւ 'ի քէն եղեն ամենայնք, եւ դու տիրես ամենայնի. և քեզ փա՛ոք յամենեցունց, մի՛նդ յիսկութենէ՝ անժամանակ Երրորդութեանդ՝ զուգակցապէս փառաւորեալ յանբաւս, և յաւիտենից յաւիտեանս։ Ամէն :





ԵՐԳԵԼՆ ԴՊՐԱՅ ԶՏԱՂՄ

Նշանակէ զխնդութիւն եւ զհրճումն
աշակերտաց վասն Յալութեան
Տեառն մերոյ :

Ա.Վ.Օ.Թ.Ք

Տէ՛ր իմ Յիսուս Քրիստոս ,
որ քոյով փառաւոր յարութեամբդ
զհաւատացեալս քոյ բերկրեցու-
ցեր . չնորհեա' մեղաւորիս՝ զի ՚ի
յարութեան յաւուըն յետնում ար-
ժանի լինիցիմ բերկրիլ եւ ուրա-
խանալ ընդ պարս երջանկաց եւ
երանելեաց յարքայութեան քում .
Ամէն :



ԴԱՐԱՆԱԼԻՆ ՔԱՀԱԴԱՅԻՆ
ԸՆԾԱՅԻՒՆ
ԱՌ ԺՈՂՈՎՈՒՐԴԻՆ ԱՍԵԼՈՎ
— ԿԵՑՈ՛ ՏԷՐ —

Նշանակէ զերեւիլն Տեառն մերոյ
յետ Յարութեան իւրոյ :

ԳՈՀՈՒԹԻՒՆ

Աստուած մեր, եւ տէ՛ր մեր
երեւեցաւ մեղ, օրհնեալ եկեալ
անուամբ Տեառն :

ԱՂՈՓՔ

ԵՐԲ Ա.ՍԻ - ԼՅԱ.Ք -

Գոհանամք զքէն՝ Հայ՛ր ամեւ-
նակալ, Որդիու միածին, եւ Հո-
գիդ ճշմարիտ, որ լնարեցեր զհա-
ւատացեալսանուանդ քում սրբոյ

'ի մասն վիճակի սրբոցն 'ի լոյս .
և ստացար քեզ ժողովուրդ սեպ-
հական, և արարեր հաղորդ փա-
ռաց Աստուածութեանդ, և ժա-
ռանգորդ անձառ բարութեանց
քոց . ո'չ ըստ մերում արժանաւ-
որութեան, այլ ըստ անբաւ գլ-
թութեան քո, որ միշտ չնորհես
առատապէս եւ ոչ նախատես .
փոքր պահանջես, և մեծամեծա
պարզեւես : Այո՝ օրհնելով օրհ-
նեմք եւ գոհանալով գոհանամք
զքէն, Տէ՛ր Աստուած մեր, որ
յայսմ մասին զմեղ արժանաւորո
կացուցեր : Աղաչեմք զքեղ, մի՛
թողուր զմեղ 'ի ձեռաց քոց յայ-
սըմհետէ մինչեւ յաւիտեան . եւ
եկեսցէ ողորմութիւն քո 'ի վերայ
մեր զամենայն աւուրս կենաց մե-



ըսոց, և եղիսի անուն քո օրհնեալ
յաւիտեան եւ յաւիտեանս յաւի-
տենից . Ամէն :

Ա.ՍԵԼՆ ՔՈՀԱՆԱՅԻՆ – ՕՐՀՆԵԱԼՔ ԵՂԵՐՈՒՔ –

Նշանակէ զօրհնութիւն Տեառն մերոյ
զոր ետ հաւատացելոց իւրոց ՚ի համ-
բառնալն յերկինս :

Ա.ՂՈԹՔ

Տէր իմ Յիսուս Քրիստոս, որ
՚ի համբառնալն քո առ ՚ի յերկինս
օրհնեց եր դհաւատացեալս . քո՝
խոստանալով նոցա զմիսիթարիչ
Սուրբ Հոգին . շնորհեա՛ մեղաւո-
րիս զի յամենայն խորհուրդս, ՚ի
բանս և ՚ի գործս իմ օրհնութեան

Քում Աստուածայնոյ և չնորհաց
Հոգւոյդ Սրբոյ արժանի լինիցիմ.
Ամէն :

ԱՂՈՓՔ

ՅԵՏ ԱԻԱՐՏՄԱՆ ՊԱՏԱՐԱԳԻ

Սկիզբն եւ կատարումն ամենայնի Աստուած, որ ամենայն բարի 'ի քէն սկսանի և քեւ կատարի, և 'ի քեզ բովանդակի ամենայն, 'ի վախճան աղօթիցս ողորմեա' մեզ, և լեր ընդ մեզ զամենայն աւուրս կենաց մերոց . և եղիցի' ամենազօր աջ քո պահապան մեզ յամենայն ժամ 'ի տուէ և 'ի գիշերի, 'ի ննջել և 'ի յառնել եւ զամենայն գործս մեր 'ի բարին կատարեա'. Ամէն :

Ի ՀԱՄԲՈՒՐԵԼՆ ԶԱԶ
ՊԱՏԱՐԱԳՉԻՆ

ԵՐԳ

Յիշեսցէ՛ Տէր զամենայն պատարագս քո, և զուխտս քո ընդունելի արասցէ :

ԱՂՈՓՔ

Ի ՍԿՍԱՆԻԼ ԳՈՐԾՈՑ

Զգործս ձեռաց մերոց ուղիղ արա 'ի մեզ, Տէ՛ր, եւ զգործս ձեռաց մերոց յաջողեա մեզ :



ՀԱՌԱՋԱՆՔ

ՆԱԽ ՔԱՆ ԶԽՈՍՏՈՎԱՆՈՒԹԻՒՆ

ԳՐԻԳՈՐԻ ՆԱՐԵԿԱՑԻՈՅ ԲՈՆ ԻԵ.

Եւ քանզի ըստ ողբաձայնիցն
բանաստեղծութեանց վերլնծայե-
լոց՝ զգրութիւն թուոց յարմա-
րեցի կական և հեծութիւն, հա-
ռաչանք կողկողագինք, դառնու-
թեան լալումն եւ արտասուաց
երգք. դարձեալ սկսայց զճառ
պաղատանացս խոստովանօրէն
զղականաբար, զգաղտնա ծա-
ծուկսն յայտնաբարբառ, զի անդ-
րադարձութեամբ սկզբմանցն և
վերջնաւորօքն բառիւք, զնոյն
համաձեւութիւն ՚ի մի թախանձ

նմին մաղթանաց հոգեկեցոյցն
խոնարհութեան՝ աստանօր եղից :
Մեղայ մեծիդ բարերարու-
թեան՝ անարգս մեղայ. մեղայ
ծագմանդ ճառագայթից՝ խաւարս
մեղայ, մեղայ շնորհացդ անբաւ-
երախտեաց՝ արդարեւ մեղայ. մե-
ղայ սիրոյդ վերնում գթութեան՝
յայտնապէս մեղայ. մեղայ ստա-
ցողիդ յոչեութենէ՝ ստուգապէս
մեղայ, մեղայ գերունակ գոգոյդ-
գրկանաց՝ անբաւս մեղայ. մեղայ
աննուազ լուսոյդ վայելման՝ նեն-
գոզս մեղայ, մեղայ ճաշակման
անձառդ կենաց՝ բազումս մեղայ.
մեղայ անհաս պարգեւացդ ձրից՝
հանապազ մեղայ. մեղայ գովեալ
մարմնոյդ Աստուծոյ՝ մահու չափ
մեղայ. մեղայ պաշտելի արեան

Արարչիդ՝ իսկապէս մեղայ :

Ահա՝ արդարեւ օրհնեալ է հատուած բանի յուսադրական սրտի այսր մեղայի . սոյն սա՝ պատուելի աւանդ , անմոռաց պատուէր , հայրենեացն տուր , նախահարցն օրէն , համայնից թոշակ , անհերքելի բան , գորաւոր պատասխանի , կենդանութեան կամուրջ , ախորժելի վերնոյն , սիրելի սրբոց , անխզելի կապ , հրաշալի բարբառ , անշրջելի պատճառ , բաղձալի տղերս , փափաքելի սեղան , սրտաբեկ հնչումն , անհնարից ճարակ , կարծրութեան վանիչ , աստուածապաշտից սահման , հեթանոսաց դիրք , վաղնջուց կանոն , քրիստոնէից հարազատ , արարչութեանն յաղթող , անջրպետ , հզօր ,

խտրոց ահաւոր , արուեստ բարձրութեան , խորութիւն անչափ , հիացման տեսիլ , խորհուրդ կընքեալ . լնդ որ չիք ումեք անցանել՝ եթէ ոք անըմբոնելի մտաց արագման զսա ծանիցէ : Զայն բարեպատեն հրաշաւորական , որ ո՛չ յիշատակեցաւ 'ի վերջին դատակնիք դասուն լքելոյ . գուցէ առ նմին խզեալ համառօտ զվրիժակն իրաւանց մահուն հասելոյ , յորմէ ընտրութիւնն ապագործեղեալ՝ զսահմանն յաւիտենական քակտեսցէ : Զարդ փառացն՝ մեծութեան , որով նոյն ինքն Աստուածութիւնն պսակեալ բարգաւաճի : Քանզի ո՞վ ոք դիմեալ կալաւ զեղջերաց սեղանոյ այսր սրբութեան , եւ ոչ առ ժամացն

պրծեալ՝ ի պատժոց անարատ գը-
տաւ : Իսկ եթէ Աքար զարմեան
և Սաւուղ կիսեան , և Յուղա սի-
մոնեան՝ ասելով զսոյն ոչ արդա-
րացան , և ես վկայեմ իրաւամբք՝
խոստովանեալ զայս պայման բա-
նի , զի յակամայիցն բռնադատե-
լոց ո՛չ է կատարեալ սէր . ուստի
և ո՛չ բովանդակապէս փրկութիւն .
Իսկ ես կամաւ համբուրեմ՝ դար-
ձեալ կրկնելով զերջանիկ բանիդ-
զմկրասութեան հարազատս :

Մեղայ երախտեացդ մոռա-
ցութեան՝ վերսախն մեղայ . մե-
ղայ մարմնոյ ձեռն յոգի հարեալ՝
յիմարս մեղայ մեղայ առ կեանսդ-
դրժողութեան՝ իսկ և իսկ մեղայ .
մեղայ բանիդ ապախտ առնելոյ՝
չարաշար մեղայ . մեղայ ՚ի յօր

սատակման ինձէն ստիպեալ՝ վատ-
թարս մեղայ . մեղայ պարտականս
անկենդան մահուն՝ ձաղելիս մե-
ղայ . մեղայ անպատկառս քո-
բարձրութեան՝ տաղտկալիս մե-
ղայ : Վերջին ինձ կրկին աշխարհ
հոգեւոր՝ զի ՚ի կորուստ և ՚ի կոր-
ծանումն ինձ երեւեցայ . զի ան-
դարձս վարատեցայ , զի որդիս
թշնամի գրեցայ , զի ՚ի բար-
ձանցն երկնից լնկեցայ , զի փուշս
վարուց դիղեցի : Եւ եւս առ
սմին ողբք աղաղակի , զի ան-
ձամբ զանձն անարգեցի , զի բա-
դին կորուսչին գտայ :

Այլ իմն կոկիծ դժնդակ սրտի ,
զի զիս ունին առ որ չեմ , զար-
տաքնայարդար բաժակս անմա-
քուր , զբուալ որմս գարշունակ ,

զին պարծանօք պաճուճեալս,
զլոյսս 'ի մռայլ շրջեալ, զգերա-
նակիր ակնս՝ թշուառացեալ, ըզ-
ջահս փառաց՝ շրջեալ, զամենայ-
նիւս յամենայնի ամենայն իրօք
վլաստակարս, առ սնօրինականնն
տէրունականս, առ յայտնութիւնս
աստուածայինս, առ երեւմունս
արարչագիրս, առ խոնարհու-
թիւնսն սարսափելիս, առ այն
զոր տեսի աչօք իսկ իմովք, առ
որ մեծ է պատասխանատուու-
թիւնս քան առ համօրէն Աւե-
տարանն. զարմանս, հիացմունս,
հոգս հալողականս, անդամունս
անհնարաւոր, թուականութիւնս
մտաց անբարդելիս, ելմունս ան-
կատարս, իջմունս անհաստատս,
յուսահատութիւնս յարմարականս,

յանդի մանութիւնս պատշաճա-
կանս, ձաղանս պատեհագոյնս,
նզովս իրաւացիս, անէծս արժա-
նահատոյցս: Արդ՝ այսոքիկ են
մեղաւորիս իմ կշտամբութիւնք,
եւ ինքնահարուած տանջանաւո-
րութիւնք:

Եւ քանզի կարող ես զայս
ամենայն զպարսս թողուլ, եւ
զիսայթուածս մահու բժշկել, Տէ՛ր
ողորմութեանց, Աստուած բոլո-
րից, Քրիստոս թագաւոր բարձըր-
եա'լ Հօր Որդի ստեղծի՛չ, գթա'ծ,
բարերա՛ր, օրհնեա'լ, առա՛տ, հա-
րուտստ, հզօ՛ր, ողորմա'ծ, տեսո՛ւչ,
ձեռնկա'լ, հաստի՛չ, ապրեցուցի՛չ,
դարմանի՛չ, կեցուցի՛չ, երկայնա-
մի՛տ, անոխակա'լ, ապաւէ՛ն,
բժի՛չկ, գովեա'լ, երկնաւո՛ր,

անձա՛ռ, լո՛յս, կեա՛նք, յարուշի՛ւն, նորոգութի՛ւն, քաւութի՛ւն :

Եթէ՛ հայեսցիս մարդասիրութեամբ, ըստ որում քոյդ են սովորութիւնք, նայեցեալ 'ի քեզ կողկողիմ եւ ես. Եթէ՛ լուիցես՝ հառաչեմ. Եթէ՛ ունկն մատուցանիցես՝ պալատիմ. Եթէ՛ անսայցես՝ աղերսեմ. Եթէ ներեսցես՝ աղաչեմ. Եթէ՛ առ իս դառնայցես՝ գոչեմ: Ապա եթէ՛ անտեսաւնիցես՝ կործանիմ. իսկ Եթէ՛ առ ոտն հարկանիցես՝ լամ. Եթէ՛ զոգեպահն ոչ ընծայեսցես՝ մեռանիմ. ապա եթէ՛ ահարկու դէմս ցուցանիցես՝ սատակիմ. իսկ Եթէ՛ սաստեսցես՝ դողամ. Եթէ՛ խեթիւտեսանես՝ սոսկամ. ապա եթէ՛

սաստկանաս՝ սարսափեմ. Եթէ՛ հալածես՝ հեծեմ. իսկ Եթէ՛ ընդվայր հարկանիցես՝ հերքիմ. Եթէ՛ զողբոց վհատութիւնս ոչ առցես՝ տագնապիմ. Եթէ՛ խստանաս՝ փախնում. ապա Եթէ՛ սպանաս՝ ընկճիմ: Իսկ Եթէ՛ քննես՝ քարկոծիմ. ապա Եթէ՛ ուժգինս ակնարկես՝ սուզանիմ. Եթէ ո՛չ անխայեսցես՝ մերժիմ. Եթէ՛ կոչեսցես՝ խիթամ. իսկ Եթէ՛ աչս յառեսցես՝ ամաչեմ. Եթէ՛ ձայն տացես՝ երկնչիմ: Զբարեացն պարզեւմատնեալ, զերանութիւնն թողեալ, զշնորհն լքեալ, զուխտն ցրեալ, զաւանդն կենաց մոռացեալ, ըզհամարձակութեանն վատահութիւն կորուսեալ, զստեղծիչդ էիցս բարկացուցեալ, զանձառութիւն շնոր-

հին ընդուանեալ, զպատուոյն պատկեր այլայլեալ :

Իսկ եթէ առ այս խեղդ մահու հեծութեան ցաւոցս մարդասիրեալ՝ առ իս ժամանեցուացես, ՏԵՇ Յիսուս Քրիստոս, զազդեալն գիր լնանիլ 'ի յիս, եթէ բժշկութիւն դադարեցուցանէ զմեղս մեծամեծս, որով ամենառատ քաղցրութեամբ քով պատուաստեալ 'ի քեզ, զքոյդ կերպարան լուսոյ լցեալ և նկարեալ յոգի՝ վերատին գտեալ պնդեցայց քաւեալ, եւ ստեղծեալ կրկին 'ի փրկութիւն անմահից կենացն անախտականաց. եւ քեզ ընդ Հօր Հոգւովդ Արբով փառք յաւիտեանս . Ամէն :

ԶԴԶՈՒՄՆ

Մեղայ Ամենասուրբ Երրորդութեանն Հօր և Որդւոյ և Հոգւոյն Սրբոյ : Մեղուցեալ եմ Աստուծոյ, խոստովանիմ առաջի Աստուծոյ, և Սրբուհւոյ Աստուածածնին, և առաջի քո Հայր սուրբ՝ զամենայն մեղս զոր գործեալ եմ: Քանզի մեղայ խորհրդով, բանիւ և գործով. կամայ և ակամայ, գիտութեամբ եւ անդիտութեամբ . մեղայ Աստուծոյ :

Մեղայ հոգւովս և զօրութեամբ սորա, մտօքս և շարժմամբ սորա. մարմնովս և զգայութեամբ սորա. Մեղայ զօրութեամբ հոգւոյս . խորաման կու թեամբ, անզգամու-

թեամբ, յանդգնութեամբ և երկչոտութեամբ, շոայլութեամբ եւ ժլատութեամբ, զեղիսութեամբ և անիրաւութեամբ, չարահաւանութեամբ, յուսահատութեամբ, եւ թերամտութեամբ . մեղայ Աստուծոյ :

Մեղայ չար խորհրդով մտացս. նենգութեամբ, ատելութեամբ, խեթիւ, մախանօք, յաչաղանօք, թուլութեամբ, պոռնկական խորհրդով, արուական, իգական, անասնական, գաղանական . 'ի գիշերի և 'ի տունջեան՝ երազական գիճութեամբ, և անրջական գարշաղութեամբ . մեղայ Աստուծոյ :

Մեղայ ցանկութեամբ մարմնոյս, հեշտութեամբ, պղերգութեամբ,

յօրանջմամբ քնոյ, շարժութեամբ մարմնոյս, և զազրագործութեամբ 'ի պէսպէս ախաս . հեշտալրութեամբ լսելեացս, արատութեամբ աչացս, ցանկութեամբ սրտիս, պագչոտութեամբ, անժուժկալութեամբ, շուայտութեամբ, եւ արբեցութեամբ . մեղայ Աստուծոյ :

Մեղայ չարաբանութեամբ լեզուիս . ստախօսութեամբ, սուտերդմամբ, երդմնազանցութեամբ, հակառակութեամբ, վիճաբանութեամբ, բանսարկութեամբ, շոգմոգութեամբ, քսու, դատարկաբանութեամբ, և ծաղու, զրախօսութեամբ, հերձախօսութեամբ, և անիծաբանութեամբ, արտնջելով, գժգոհելով, բամբասելով, և հայհոյելով . մեղայ Աստուծոյ :

Մեղայ գողութեամբ ձեռացս .
ագահելով , զրկելով , հարկանելով ,
սպանանելով , և ընդ գարշս ա-
ծելով . մեղայ Աստուծոյ :

Մեղայ ամենայն յօդուածովք
շինուածոյս եւ ամենայն անդա-
մօք մարմնոյս . հնդեակ զգայա-
րանօքս , և վեցեկի շարժմամբս .
վերամբարձ ոտնահարութեամբ ,
եւ վայրաքարշ մեղկութեամբ .
յաջ և յահեակ խոսորելով , զա-
ռաջնոցն մեղանջելով , և վերջնոցն
շար նշաւակ գոլով . մեղայ Աս-
տուծոյ :

Այլ եւ մեղայ եօթնիցս յան-
ցանօք՝ մահացու մեղօք . հպար-
տութեամբ , նախանձու , բարկու-
թեամբ , ծուլութեամբ , ագահու-
թեամբ , որկրամոլութեամբ , բըդ-

ջախոհութեամբ , և մասամբք սո-
ցին . մեղայ Աստուծոյ :

Այլ և մեղայ ամենայն պատ-
ուիրանացն Աստուծոյ , յանձնա-
ռելեացն եւ հրաժարելեացն . զի
ոչ զյանձնառականսն կատարեցի ,
և ոչ 'ի հրաժարելեացն հեռացայ :
Զօրէնս առի՝ և յօրինացն հեղգա-
ցայ . 'ի կարգս քրիստոնէութեան
հրաւիրեցայ՝ եւ գործովս անար-
ժան գտայ . գիտելով զչարն կա-
մաւ կորացայ , և 'ի բարեաց գոր-
ծոց ես ինձէն հեռացայ . վա՛յ ինձ ,
վա՛յ ինձ , վա՛յ ինձ : Զո՞րն ա-
սեմ , կամ զո՞րն խոստովանիմ .
զի անթիւ են յանցանք իմ , ան-
ասելի են անօրէնութիւնք իմ , ան-
ներելի են ցաւք իմ , և անբժըշկե-
լի են վէրք իմ . մեղայ Աստուծոյ :

ՑԵՏ ԽՈՍՏՈՎԱՆԵԼՈՑ ԶՄԵՂՄ

Քննո՛ղ գաղտնեաց մեղայ քեզ,
կամայ և ակամայ՝ գիտութեամբ
եւ անգիտութեամբ . թողութիւն
շնոցհեա՞ մեղաւորիս , զի՞ ի ծնըն-
դենէ սուրբ աւաղանին մինչեւ
ցայսօր՝ մեղուցեալ եմ առաջի
Աստուածութեան քո . զգայարա-
նօք իմովք և ամենայն անդամօք
մարմնոյս . և ողորմեա՞ քո արա-
րածոց՝ և ինձ բաղմամեղիս :

Հայր սուրբ , զքեզ ունիմ միջ-
նորդ հաշտութեան եւ բարեխօս
առ միածին Որդին Աստուծոյ .
զի իշխանութեամբդ որ տուեալ
է քեզ , արձակեսցես զիս 'ի կա-
պից մեղաց իմոց , աղաչեմ զքեզ :

ՃԱՌԱՉԱՆՔ

ՆԱԽ ՔԱՆ ԶՀԱՂՈՐԴՈՒԹԻՒՆ

ԳՐԻԳՈՐԻ ՆԱՐԵԿԱՑԻՈՑ — ԲԱՆ ԽԵ.

Եւ արդ , զի՞նչ գոյ ասել ա-
մաշեցելոյս յերեսաց մեծիդ ահա-
ւորութենէ , բայց եթէ համրանալ ,
եւ հող 'ի բերան եղեալ , լոել 'ի
սրտի՝ ըստ մարդարէութեանն խը-
րատու , ահա' 'ի բարւոյն կարկա-
ռեալ 'ի յոյս : Խսկ եթէ զփականս
շարժողութեան շրթանցս բացից ,
բռնադատեցից՝ խօսել կամեցեալ ,
դարձեալ զնոյն ձայն կրկնակա-
կան եղերերգութեան լալեաց բազ-
մութեան՝ խէթ մտացս յառաջա-
դրէ :

Եւ արդ , ողբակից մեծ մեղա-
ւորին՝ անօրինեցելոյ կամաւ առ՚ի-
մահ , զնորին գոչումն երկրորդե-
ցից և եւ ընդ նմին . մեղա՛յ , Տէք ,
մեղա՛յ , և անօրինութեանց իմոց
ինձէն վկայեմ : Հիւսեալ ընդ նմին
զբանս յիսներորդի Սաղմոսին ,
անթիւս գրեմ զպարառւցս սակ՝
անձինս մեղանաց՝ քան զհող երկ-
րի հողմահոս փոշւոյ ընդ օդս
տարածեցելոյ : Մեղայ յերկինս և
առաջի քոյ , ընդ Անառակ որդ-
ւոյն պատկառեցելոյ՝ հայրենի գը-
թոյդ վերստին դարձեալ թախանձ
արկանեմ . եւ զողորմելին ձայն
աղերսանաց՝ արտօսրածին ողբովք
գոչման ՚ի տխուր դէմս մատու-
ցեալ , առաջի քոյ տարածանեմ :
Հայր գթութեանց , Աստուա՛ծ բո-

լորից , չեմ արժանի կոչիլ և ո՚չ
բնաւին առ այս անուանիլ , ո՚չ
միայն որդի , այլ եւ անպիտան
ապաբան վարձկան :

Ընկա՛լ զսովեալս տարագրա-
կան՝ պարտապան վեասուց և զցաւ
քաղցոյս լկանաց նեղելոյս և նը-
ւաղելոյս՝ կենաց քո հացիւդ բը-
ժըկեսցես : Լե՛ր ընդ առաջ քո
ողորմութեամբդ՝ ՚ի սկզբնաւորս
ապաւինութեան . զգեցո՛ , գթա՛ծ
և անոխակալ , անօրինեալս մեղա-
պարտի՝ զնախակապուտ հանդեր-
ձին ծածկոյթ . աւանդակորոյս
ձեռացս աղտեղեալ մեղօք , զկնիք
մատանւոյն համար ձակութեան՝
ամենառատ կամօք մատուցես .
զգարշապարացս թշուառութիւն
մերկութեան ոտիցս՝ պատուա-

բութեամբ աւետարամնական ամ-
րավերարկու օդիցս կօշկաց՝ 'ի յօ-
ձին թիւնից միշտ ամրացուցես :
Զգուարակդ պարարակ եղինդ
երկնայնոյ , որ է միածին Որդիդ
քո՝ օրհնեալ իսկապէս մարդասի-
րութեամբ , կարօտելոյս բարեաց՝
նուիրեա' . որ մատուցեալ միշտ
և անպակաս մնայ 'ի լրութեան
յարակայ , զենեալ 'ի սպանդարա-
նի անթիւ սեղանոց՝ անսպառու-
թեամբ . բոլոր յամենեսին եւ
բնաւ յամենայնում , էութեամբ
յերկինս եւ իսկութեամբ 'ի ստու-
րինս , աննուազ մարդկութեամբ
եւ անթերի Աստուածութեամբ .
Փշրեալ բաշխի 'ի մատունս ան-
հատս , զի զհամայնն հաւաքեսցէ
առ 'ի նոյն մարմին իւրումն գըլ-

խոյ . քեզ փառք ընդ նմին , Հա՛յր
ողորմութեան , յաւիտեանս . Ամէն :

ԳՈՂՈՒԹԻՒՆ

Ի ՃԱՄՈՒ ՀԱՂՈՐԴՈՒԹԵԱՆ

Ինձ մերձենալ առ Աստուած
բարի է , եւ դնել զյոյս իմ առ
Տէր :

Զբաժակ փրկութեան ընկա-
լայց , և զանուն Տեառն կարդա-
ցից :

Զբերան իմ բացի և առի զհո-
գի , 'ի պատուիրանս քո փափա-
քեաց անձն իմ :



ԱՂԵՐՍԱՆՔ

ՅԵՏ ՀԱՂՈՐԴՈՒԹԵԱՆ

ԳՐԻԳՈՐԻ ՆԱՐԵԿԱՑԻՈՅ – ԲԱՆ Բ.

Եւ արդ՝ քանզի առ բարձրեալն Աստուած յօդաւորական շրթամբք կարդաս, որ գործովք միայն գրաւի եւ ոչ ստեղծաբաննութեամբ կաշառի, որ յԵղիպտոս միշտ ունիս զսրտիդ զդարձն, զի՞նչ օրինակ առ այս քեզ նմանագոյն եւ յարմարական աստանօր եղից՝ անձն իմ պարտաւոր։ Պատժակիցս կործանեցելոյն Սուդոմայ, ըմբերանեալ դատախազս Նինուէի, անարի բարբարոսս քան զտիկինն հարաւային, վատժարա-

դոյնս քան զբանան, յամառեցեալս քան զԱմաղէկ, անբժշկականս քաղաք դրօշելոց, նշխարմնացեալ՝ ապստամբութեան հինն իսրայէլի, յիշասակարան պահեալ՝ ուխտազանցութեանն Յու դայ. կշտամբեալս գեր քան զԾուր, տարամերթեալս քան զԾայդան, խորդաբարոյս քան զԳալիկեա, աններելիս քան զանհաւանն կափառնառմ, պարսաւեցեալս իբր զբորազին, բամբասեցեալս ընդ Բեթսայիթայ, անողարկեշտծաղկեալ ալիքս՝ Եփրեմի, աղու աղաւնիս միշտ յիմարութեամբ՝ այլ ո՛չ հանդարտութեամբ, 'ի կորեանց առիւծուց՝ անձնա կան օձս եղեւնային, կերպս ձուոց քարբից՝ լցեալ ժան-

տութեամբ , պատկերս վերջին
հարուածոցն՝ Երուսաղէմի , ըստ
բանին Տէրունի՝ եւ տեսանողացն
ձայնի : Տաղաւարս մերժեալ՝ հաս-
եալ 'ի կործանումն , խորտակեալ
դրացս վատահարան , եւ կրկին
ծրդեալ շինուածս խօսուն , թող-
եալ ժառանգութիւնս յարմարա-
կան , մոռացեալ տունս Աստուա-
ծակերտ , ըստ բանից նախազրե-
լոցն՝ Մովսէսի Դաւթայ եւ Ե-
րեմիայի : Յարկս բանական՝ ու-
նողս բորոտութեան , հարուած-
եալս խրատու քերմանն՝ օրինիւ
կազդուրեալ , օծեալ կաւովն՝ ո-
ղոքական հեղութեամբն . անձա-
րակ գտեալ յելս հնարից , քակ-
տեալ վերստին ձեռամբ շինողին ,
արտաքս ընկեցեալ իրաւացի հա-

տուցմամբ հրամանաւ հզօրին՝ 'ի
տեղի անսուրբ . հերքեալ տարա-
գրեալ խտրոցաւ մեծաւ՝ ամենայ-
նիւ առանց իննայելոյ , ծածկեցեալ
դրամս յերկրի չարեօք , ըստ ա-
ւանդակորոյս Ժխտողին՝ որ յա-
ւետարանին ցուցանի :

Այլ դու , Աստուած , Աստ-
ուածդ հոգւոց և ամենայն մար-
մնոց՝ ըստ դաւանելոյ աստուա-
ծաշնորհին , երկայնամիտ և բա-
զումողորմ՝ ընդ սրբոյն Յովա-
նու ձայնին , չնորհեա՛ կատարել
'ի քոյդ հաճութիւն օրհնեալդ կա-
մաց՝ զսկզբնաւորեալ մատեան
մաղթանաց այսր ողբերգութեան :
Եւ ընդ լալով սերմանել բանիւ
'ի նախընթաց չուս աստիճանաց
օթեւանացս պատրաստութեան ,

'ի կատարածն ժամանելոյ հաւաք-
ման հնձոցն՝ դարձայց բերկրե-
ցեալ լրութեամբ քաւութեան՝
պտղոյն երանութեան որ ահիցն
բարութեան։ Մի՛ տացես ինձ ար-
դանդ սրտի անորդի՛ իբր իսրա-
յելի, եւ ստինս աչաց ցամա-
քեալս, ո'վ ամենագութ։ Լո՛ւր
բանից մաղթողիս, հզօր եւ ո-
զորմած, նախ քան երկնի, եւ
երկին երկրի, և նա՝ ցորենոյ և
գինոյ և ձիթոյ, և նոքա իսրա-
յելի։ Եւ երկնաւորացն աղերս որ
առ քեզ՝ հոգւոյս աղղեսցէ, քան
թէ տարերաց ապականացուաց։
Դու ստեղծիչ՝ եւ ես կաւ. բա՛ց
տարակուսելոյս 'ի մուտս մաղ-
թանաց այսր հեծութեան՝ կամս
քաղցրութեան՝ զօրանալ աստէն.

զի մի՛ 'ի բանալ վերնայինն երկնի,
անընտիր գտեալ կրթութեան վա-
յելման լուսոյ՝ իբր զնիւթ մոմոյ
սպառեցայց ջնջեալ 'ի միջոյ։ Ոգի՛
զրկելոյս, ըստ մաղթանաց գոշ-
ման ասովին, և ոյժ թալկացե-
լոյս, և կեանք՝ մաշելոյն մտացս
խղճիւ, այլ ո'չ տաժանմամբ կրից
աշխատութեան՝ զքեզ ինդրելոյ։
ա՛ռ զաւանդ մաղթանացս, եւ
տո՛ւր զողորմութիւն քո չնոր-
հացդ. ընկա՛լ զփոքրս 'ի տկարէս,
և չնորհեա՛ զմեծդ՝ առ 'ի հզօրէդ.
զօրացո՛ զբանս զղմման, առաչ
քեալ առ մեզ զՀոգիդ 'ի բար-
ձանց՝ Աստուածաշունչ պատգա-
մօքս 'ի սմա եղելոցս։ Պարգե-
ւեա՛, բարերար, զառակն եսայ-
եայ լուսաւորել առ ճշմարտու-

թիւնն, մատուցանելով մահու արժանոյս՝ ընդ պղնձոյս գոյի անարդս ձայնի՝ զոսկի քո շնորհի, ընդ անզարդութեան երկաթոյս սեւութեան գունոյս՝ պղինձ պղճնալից, ցոյցք առաքինութեան հրաշեկ Լիբանանու :

Ընդէ՞ր կարծրացուցանես ըզ-սիրտ եղկելոյս չերկնչել՝ի քէն, անձա՛ռ և ահաւոր։ Մի՛ եղէց անպտուղ՝ի փոքր վաստակոյս՝ իբր ապաջան սերմանող անբեր երկրի։ Մի՛ լիցի ինձ երկնել՝ եւ ո՛չ ծնանել, ողբալ՝ և ո՛չ արտասուել, խորհել՝ և ոչ հառաչել, ամպել՝ և ո՛չ անձեւել, ընթանալ՝ և ո՛չ հասանել, ինձ ձայնել՝ եւ քեզ ո՛չ լսել, պաղատիլ՝ և անտես մնալ, կողկողել՝ և ո՛չ ողորմիլ, աղաչել՝

և ո՛չ ինչ օգտել, զոհել՝ և ո՛չ ձենձերել, զքեզ տեսանել՝ և դատարկելանել։ Լո՛ւր ինձ նախ քան ըզկարդալս իմ առ քեզ, միա՛յնդէնզօր։ մի՛ զանվճար տանջանացն տոյժմ՝ ընդ թուով աւուրց մեղաց կեցելոյս՝ չարագործիս ինձ հատուցաներ։ կեցո՛ զիս, գթա՛ծ։ լո՛ւր ինձ, ողորմա՛ծ։ մարդասիրեա՛, ներո՛ղ։ ինայեա՛, երկայնամի՛տ։ պաշտպանեա՛, ապաւէ՛ն։ բարերարեա՛, հզօ՛ր։ ազատեա՛, ամենակա՛լ. կենագործեա՛, նորոգո՛ղ. վերականգնեա՛, ահաւո՛ր։ լուսաւորեա՛, երկնայի՛ն։ բժշկեա՛, հնարաւո՛ր. քաւեա՛, անքննի՛ն։ պարգեւատրեա՛, առա՛տ։ շնորհազարդեա՛, աննախա՛նձ։ հաշտեա՛, անախտակի՛ր։ ընկա՛լ, անոխակա՛լ.

սրբեա' . 'ի պարտեաց , օրհնեա'լ :
 Եթէ յառեցից զաչս իմ նայեցեալ
 'ի հայեցուածս երկուց վտանգից՝
 յաւուր թշուառութեան՝ զքոյդ
 տեսից փրկութիւն , յոյս և ինաւ-
 մակա'լ . եթէ նկատեալ դիտեցից
 'ի վեր յամենագրաւ ուղին սոս-
 կալի . հրեշտակ քո խաղաղութեան՝
 քաղցրութեամբ ինձ պատահեացէ՞
 Յոյց ինձ , Տէր , 'ի յելիցն աւուր
 շնչոյս արձակման՝ մաքրութեան
 ոգի լուսով ամբարձեալ 'ի յերկ-
 նաւորացն երջանկաց՝ պարգեւօք
 սիրոյ քոյ եկեալ հասեալ յարդա-
 րոցն կատարելոց : Կարեաց ինձ
 կցորդ ժամանեցուացես . զանակ-
 ընկալն բարի՝ չարիս . 'ի յուսահա-
 տութեանն աւուր՝ աւետարան
 շնորհեացես : Քա՛ւ լիցի քեզ , բա-

րեբանեա'լ , որ փրկութիւնդ ետ-
 ամենայնի , եթէ ախտացեալս քո
 ոչխարի՝ գազան դժնդակ տացես
 ուղեկից , մեղօք մեռելոյս՝ ան-
 ա'խտ կեանք , կործանելոյս պար-
 տեօք՝ փրկութիւն :

Արդեօք մոռասցի՞ս զբարերա-
 բելդ՝ ակնկալութիւն . անտեսես-
 ցե՞ս զգթասիրելդ՝ ինամո՛ղ . այլ-
 այլեացե՞ս զմարդասիրելդ՝ անփո-
 փո՞խ . նահանջեացե՞ս զկենագոր-
 ծելդ՝ անվախճա՞ն . թողուցո՞ւս
 զողորմութիւնդ՝ երջանի՛կ պտուղ:
 Աղաւաղե՞ս զքաղցրութիւնդ , բա-
 րեշնո՛րն ծաղիկ , անպատուեացե՞ս
 զնիւթ պանծանաց քումդ ճոխու-
 թեան . յեղանակեացե՞ս զփառս կե-
 նաց քումդ բարձրութեան . ոչ պա-
 հեացես զվայելչական զարդ պայ-


ծառութեանդ քում պսակի : Եթէ
 ողորմածացն է երանութիւն , այլ
 դուքնաւ իսկ արքայութիւն՝ լցեալ
 փափաքմամբ , ո՞չ զբոլորն պար-
 գեւեսցես փրկութիւն . ո՞չ մատու-
 ցանիցես դեղ վիրացս , ո՞չ սպեղա-
 նիս՝ խոցուածոյս , ո՞չ դարման՝
 տկարութեանս . ո՞չ ծագեսցես լոյս
 'ի խաւարի՝ յուսացելոյս 'ի քո զօ-
 րութիւնդ , ապաւէնդ կենաց , պար-
 գե՛ւդ տիեզերաց : Որ միայնդ ու-
 նիս փառս ինքնութեամբ , իսկու-
 թեամբ և 'ի յարակայ մշտնջենա-
 ւորութեամբ , վկայեալ 'ի բնաւից ,
 գովեալ 'ի բոլորից , օրհնեալ եւ
 փառաւորեալ յերիս յաւիտեանս ,
 և անդը քան զպայման սահմանի
 իմանալեացն յաւիտենից . Ամէն :

ՀԱՆԳԱՆԱԿ

ՀԱՅՈՍՈՅ

Հաւատամք՝ ՚ի մի Աստուած՝
 ՚ի Հայրն ամենակալ՝ յարարիչն
 երկնի և երկրի, երեւելեաց և
 աներեւութից :

Եւ ՚ի մի Տէր Յիսուս Քրիս-
 տոս՝ Որդին Աստուածոյ, ծնեալն
 յԱստուածոյ Հօրէ՝ միածին այսինքն
 յէռթենէ Հօր, Աստուած յԱստու-
 ածոյ, լոյս ՚ի լուսոյ, Աստուած
 ճշմարիտ՝ յԱստուածոյ ճշմարտէ,
 ծնունդ և ոչ արարած : Նոյն ինքն
 ՚ի բնութենէ Հօր, որով ամենայն
 ինչ եղեւ յերկինս և ՚ի վերայ երկ-
 րի, երեւելիք եւ աներեւոյթք :
 Որ յաղագս մեր մարդկան եւ



վասն մերոյ փրկութեան՝ իջեալ
 'ի յերկնից մարմնացաւ, մարդա-
 ցաւ, ծնաւ կատարելապէս 'ի Մա-
 րիամայ սրբոյ կուսէն Հոգւովն
 Սրբով։ Որով էառ զմարմին զհո-
 գի և զմիտ և զամենայն որ ինչ է
 'ի մարդ, ճշմարտապէս և ոչ կար-
 ծեօք։ Զարչարեալ, խաչեալ, թա-
 ղեալ, յերրորդ աւուր յարու-
 ցեալ, ելեալ 'ի յերկինս նովին
 մարմնովն՝ նստաւ ընդ աջմէ Հօր։
 Գալոց է նովին մարմնովն և փա-
 ռօք Հօր 'ի դատել զկենդանիս
 և զմեռեալս, որոյ թագաւորու-
 թեան ոչ գոյ վախճան։

Հաւատամք և 'ի Սուրբ Հոգին՝
 յանեղն և 'ի կատարեալն, որ խօ-
 սեցաւ յօրէնս և 'ի Մարգարէս և
 յԱւետարանս։ Որ էջն 'ի Յորդա-

նան, քարոզեաց զԱռաքեալն, և
 բնակեցաւ 'ի սուրբսն։


Հաւատամք եւ 'ի մի միայն
 ընդհանրական և յԱռաքելական
 եկեղեցի, 'ի մի մկրտութիւն, յա-
 պաշխարութիւն, 'ի քաւութիւն և
 'ի թողութիւն մեղաց։ Ի յարու-
 թիւնն մեռելոց, 'ի դատաստանն
 յաւիտենից հոգւոց եւ մարմնոց,
 յարքայութիւնն երկնից եւ 'ի
 կեանսն յաւիտենականս։

Իսկ որք ասեն՝ Էր երբեմն, յոր-
 ժամ ոչ էր Որդի. կամ էր երբեմն,
 յորժամ ոչ էր Սուրբ Հոգի. կամ
 թէ՝ յոչէից եղեն, կամ յայլմէ
 էութենէ ասեն լինել զՈրդին Աս-
 տուծոյ և կամ զՍուրբ Հոգին. և
 թէ՝ փոփոխելիք են կամ այլայ-
 լելիք, զայնպիսիսն նզովէ կա-

Թուղիկէ և Առաքելական սուրբ
Եկեղեցի :

Ես սրբոյ Լուսաւորչէն մերմէ⁵
ասացեալ :

Իսկ մեք փառաւորհսցուք որ
յառաջ քան զյաւիտեանս , եր-
կիրապագանելով սրբոյ Երրորդու-
թեանն և միոյ Աստուածութեանն
Հօր և Որդւոյ և Հոգւոյն Սրբոյ ,
այժմ և միշտ և յաւիտեանս յա-
ւիտենից . Ամէն :





ԱՂՈԹՔ

ԵՐԵԿՈՅԵԱՆ

ԱրԱքեԱ՛, Տէր, զլոյս քո
և զնշմարտութիւն քո, զի առաջ-
նորդեսցեն ինձ և հանցեն զիս 'ի
լեառն սուրբ և 'ի յարկս քո:

Մտից առաջի սեղանոյ Աստու-
ծոյ առ Աստուած, որ ուրախ
առնէ զմանկութիւն իմ:

Խոստովան եղէց քեզ օրհնու-
թեամբ, Աստուած Աստուած իմ:

Արդ՝ ընդէ՞ր տրտում ես անձն
իմ, կամ ընդէ՞ր խոսվես զիս,
յուսա՛ առ Աստուած, խոստովա-

նեա' նմա՝ Փրկիչ երեսաց իմոց
Աստուած է :

Փառք Հօր և Որդւոյ և Հոգ-
ւոյն Սրբոյ :

Այժմ և միշտ և յաւիտեանս
յաւիտենից . Ամէն :

Եւ եւս խաղաղութեան զՏէր աղա-
չեսցուք , ընկալ կեցո՛ եւ ողորմեա :

Օրհնութիւն եւ փառք Հօր եւ Որդւոյ
եւ Հոգւոյն Սրբոյ , այժմ եւ միշտ եւ
յաւիտեանս յաւիտենից . Ամէն :

Եկեսցէ 'ի վերայ իմ ողորմու-
թիւն քո , Տէր , և փրկութիւն քո
ըստ բանի քում :

Տայ պատասխանի ոյք նա-
խատեն զիս բանիւք , զի ես 'ի
բանս քո . յուսացայ :

Մի՛ 'ի բացեայ առներ 'ի բե-
րանոյ իմմէ զբան ճշմարտութեան
մինչեւ յոյժ , զի յիրաւունս քո
յուսացայ :

Պահեցի զօրէնս քո յամենայն
ժամ , յաւիտեան եւ յաւիտեանս
յաւիտենից :

Գնայի ես յանդորրու , զի ըգ-
պատուիրանս քո խնդրեցի :

Խօսէի զվկայութիւնս քո ա-
ռաջի թագաւորաց , և ոչ ամաչէի :

Խորհէի 'ի պատուիրանս քո ,
զոր սիրեցի :

Համբարձի զձեռս իմ 'ի պա-
տուիրանս քո զոր սիրեցի , եւ
խորհէի յարդարութեան քում :

Յիշեա զբան ծառայի քո , յոր
և յուսացուցեր զիս :

Սա միիթարեսցէ զիս 'ի խռ-

նարհութեան իմում, զի բան քո
կեցոյց զիս :

Ամբարտաւանք անիրաւեցան
յիշ յոյժ, այլ յօրինաց քոց ես
ոչ խոտորեցայ :

Յիշեցի զիրաւունս քո յաւի-
տենից, Տէր, և միսիթարեցայ :

Տրամութիւն կալաւ զիս 'ի մե-
ղաւորաց, և ոյք թողին զօրէնս
քո :

Գովելի են ինձ իրաւունք քո
'ի տեղւոջ պանդխտութեան իմոյ :

Յիշեցի 'ի գիշերի զանուն քո,
Տէր, և պահեցի զօրէնս քո :

Սա եղեւ ինձ ճանապարհ 'ի
կեանս, զի զարդարութիւնս քո
ինդրեցի :

Զանօրէնս ատեցի, և զօրէնս
քո սիրեցի :

Օգնական և Փրկիչ իմ ես դու,
և ես 'ի բանս քո յուսացայ :

Ի բաց եղերուք յինէն չարք,
եւ քննեցից զպատուիրանս Աս-
տուծոյ իմոյ :

Օգնեա ինձ ըստ բանի քում,
և կեցո զիս, և մի' յամօթ առներ
զիս 'ի յուսոյ իմմէ :

Օգնեա ինձ եւ ապրեցո զիս,
և խորհեցայց յիրաւունս քո յա-
մենայն ժամ :

Անարգեցեր զամենեսեան որք
ապստամբք եղեն յարդարու-
թեանց քոց, զի անիրաւութեամբ
էին խորհուրդք նոցա :

Ցանցաւորս համարեցայ զամե-
նայն մեղաւորս երկրի, վաճն այ-
սորիկ սիրեցի զպատուիրանս քո :

Բեւեռեա ընդ երկիւղ քո

զմարմին իմ, զի՞ դատաստանաց քոց երկեացյ յոյժ :

Մերձեացին խնդրուածք իմ առաջի քո, Տէր, ըստ բանի քում իմաստուն արա զիս :

Մտցեն աղօթք իմ առաջի քո Տէր, և բանիւ քով փրկեա զիս :

Բղնեացեն շրթունք իմ զօրհնութիւնս քո, յորժամ ուսուացես ինձ զարդարութիւնս քո :

Խոսեացի լեզու իմ զբանս քո, զի ամենայն պատուիրանք քո արդարութեամբ են :

Եղիցի ձեռն քո՞ի կեցուցանել զիս, զ՞ո զպատուիրանս քո ընտրեցի :

Յանկացայ փրկութեան քում Տէր, և օրէնք քո խօսք իմ էին :

Կեցչէ անձն իմ օրհնեացէ զքեզ,

և իրաւունք քո օգնեացեն ինձ :

Մոլորեցայ ես որպէս զոչսար կորուսեալ, խնդրեա զծառայս քո զի զպատուիրանս քո ես ոչ մոռացայ :

Մի՛ եկեացեն ՚ի վերայ մեր ուռք ամբարտաւանից, և ձեռք մեղաւորաց մի՛ դողացուսցեն զմեղ :

Անդ անկցին ամենեքեան ոյք գործեն զանօրէնութիւն . մերժեացին և այլ մի՛ կարացեն հաստատիլ :

Ես ՚ի Տէր յուսացայ, ցնծացայց և ուրախ եղէց յԱստուած փրկիչ իմ :

Տէր Տէր ետ ինձ զօրութիւն, և կացոյց զոտս իմ ՚ի հաստատութեան, ՚ի վերայ պարանոցի թըշնամւոյն կացոյց զիս, և հանգոյց զիս երագ երագ :

Որ բնակեալն է յօդնութիւն
բարձրելոյն, ընդ հովանեաւ Աս-
տուծոյ յերկինս հանգիցէ :

Ասացէ Տեառն՝ ընդունող իմ
ես դու, ապաւէն իմ Աստուծ,
և ես յուսամ ՚ի նա:

Նա փրկեսցէ զիս յորոգայթէ
որսողին, և ՚ի բանիցն ՚ի խռո-
վութենէ :

Ի թիկնամէջս իւր ընկալցի
գքեղ, և ՚ի հովանի թեւոց նորա
յուսացիս :

Որպէս զէն շուրջ եղիցի ըզ-
քեւ ճշմարտութիւն նորա:

Ոչ երկիցես դու յերկիւղէ գի-
շերի, և ոչ ՚ի նետէ որ թռչի ՚ի տուէ:

Յիրէ որ չրջի ՚ի խաւարի, ՚ի
գայթակղութենէ դիւին ՚ի հասա-
րակ աւուր:

Անկցին ՚ի կողմանէ քումմէ
հազարք, եւ բիւրք ընդ աջմէ
քումմէ, և առ քեղ ինչ ոչ մեր-
ձեսցին :

Բայց միայն աչօք քովք հա-
յեսցիս դու, և զհատուցումն մե-
զաւորաց տեսցես, զի դու, Տէր,
յոյս իմ ես :

Զբարձրեալն արարեր քեղ ա-
պաւէն, զի ոչ հասցեն առ քեղ
չարք, և տանջանք մի՛ մերձես-
ցին ՚ի յարկս քո :

Հրեշտակաց իւրոց պատուի-
րեալ է վասն քո, ՚ի պահել ըզ-
քեղ յամենայն ճանապարհ քո:

Ի բազուկս իւրեանց ընկալցին
գքեղ, զի մի՛ երբէք հարցես ըզ-
քարի զոտն քո:

Ի վերայ իմից և քարբից գը-

նասցես դու , և առ ոտն կոխեսցես զառիւծն և զվիշապն :

Քանզի յիս յուսացաւ , և փըրկեցից զնա . հովանի եղէց նմա , զի ծանեաւ զանուն իմ :

Կարդասցէ առ իս , և ես լըւայց նմա , և առ նմա եղէց 'ի նեղութեան :

Փրկեցից և փառաւոր արարից զնա , երկայն աւուրբք լցուցից , և ցուցից նմա զփրկութիւն իմ :

Առ քեզ , Տէր , համբարձի զաչս իմ , որ բնակեալդ ես 'ի յերկինս :

Որպէս աչք ծառայի 'ի ձեռն Տեառն իւրոյ , և որպէս աչք աշղախնոյ 'ի ձեռն տիկնոջ իւրոյ :

Այնպէս են աչք մեր առ քեզ , Տէր Աստուած մեր , մինչեւ ողորմեսցիս 'ի վերայ մեր :

Ողորմեա մեզ , Տէր , օղորմեա մեզ , զի բազում լցաք արհամարհանոք :

Եւս առաւել լցան անձինք մեր նախատանոք , որք նախատէին զմեզ , և արհամարհանոք ամբարտաւանից :

Աստուած , յանուան քում կեցո զիս , և 'ի զօրութեան քում իրաւ արա ինձ :

Աստուած , լուր աղօթից իմոց , ունիկն դիր բանից բերանոյ իմոյ :

Օտարք յարեան 'ի վերայ իմ , եւ հզօրք ինդրեցին զանձն իմ , և ոչ համբարեցան զքեզ Աստուած առաջի իւրեանց :

Ահա Աստուած օգնական իմ , և Տէր ընդունող հոգւոյ իմոյ :

ի դարձուցամնել զչարն 'ի թըշ-
նամիսն իմ, ճշմարտութեամբ քով
սատակեա դնոսա :

Ես կամօք իմովք պատարագս
մատուցից քեզ, եւ խոսսովան
եղէց անուան քում, Տէր, զի
բարի է :

Յամենսայն նեղութենէ իմմէ
փրկեցեր զիս. և 'ի թշնամիս իմ
ետես ակն իմ :

Օրհնեալ ես Տէր Աստուած
հարցն մերոց, գովեալ և առաւել
բարձրացեալ անուն քո յաւի-
տեան :

Եւ օրհնեալ է անուն սուրբ
փառաց քոց, գովեալ և առաւել
բարձրացեալ անուն քո յաւի-
տեան :

Օրհնեալ ես 'ի տաճարի փա-

ռաց սրբութեան քո, գովեալ և
առաւել բարձրացեալ անուն քո
յաւիտեան :

Օրհնեալ ես 'ի վերայ աթոռոյ
արքայութեան քո, գովեալ եւ
առաւել բարձրացեալ անուն քո
յաւիտեան :

Օրհնեալ ես որ նստիս 'ի քը-
րովքէս և հայիս յանդունդս, գո-
վեալ և առաւել բարձրացեալ ա-
նուն քո յաւիտեան :

Օրհնեալ ես 'ի վերայ հաստա-
տութեան երկնից, գովեալ եւ
առաւել բարձրացեալ անուն քո,
յաւիտեան :

Օրհնեցէք զԱստուած 'ի սրբու-
թեան նորա, օրհնեցէք զնա 'ի
հաստատութեան 'ի զօրութեան
նորա :

Օրհնեցէք զնա 'ի զօրութեան
նորա , օրհնեցէք զնա 'ի բազում
մեծութեան նորա :

Օրհնեցէք զնա 'ի ձայն օրհ-
նութեան , օրհնեցէք զնա սազմո-
սիւք և օրհնութեամբ :

Օրհնեցէք զնա ցնծութեամբ ,
գովկեցէք զնա ուրախութեամբ :

Օրհնեցէք զնա 'ի բանս քաղցր ,
գովկեցէք զնա 'ի բարբառ լսելիս :

Օրհնեցէք զնա 'ի ձայն գոհու-
թեան , ամենայն հոգիք օրհնեցէք
զՏէր :

Արդ արձակեա' զծառայս քո
Տէր , ըստ բանի քում 'ի խալա-
զութիւն , զի տեսին աչք իմ ըզ-
փրկութիւն քո զոր պատրաստե-
ցեր առաջի ամենայն ժողովրդոց :

Լոյս յայտնեցար հեթանոսաց ,

և փառք ժողովրդեան քում իս-
րայէլի :

Զգեցեր զձեռն քո՝ եւ փլր-
կեաց զիս աջ քո , եւ Տէր հա-
սուսցէ ընդ իմ :

Տէր , ողորմութիւնն քո յա-
ւիտեան , զգործո ձեռաց քոց մի՛
անտես առներ :

Տէր , հան 'ի բանտէ զանձն
իմ , գոհանամ զանուանէ քումմէ :

Եւ քեզ սպասեն արդարքն
մինչեւ հատուսցես :

Մեծացուսցէ սնձն իմ զՏէր
և ցնծացէ հոգի իմ Աստուծով
փրկչաւ իմով :

Այց արար 'ի վերայ խօնար-
հութեան աղախմոյ իւրոյ , այսու-
հեաեւ երանիցեն ինձ ամենայն
ազգք :

Արար ընդ իս մեծամեծս հը-
գօրն, և սուրբ է անուն նորա :

Ողորմութիւն արար ազգաց
յազգս երկիւղածաց իւրոց, և ա-
րար զօրութիւն բազկաւ իւրով :

Ցրուեաց զամբարտաւանս ՚ի
մտաց սրտից, և քակեաց զնզօրս
յաթոռոց :

Զխոնարհս բարձրացոյց, զկա-
րօտս ելից բարութեամբ, և զմե-
ծատունս արձակեաց ունայնս :

Պաշտպանեաց Խորայէլի ծա-
ռայի իւրոյ, յիշելով զողորմու-
թիւն իւր :

Որպէս խօսեցաւ առ հարսն
մեր, ընդ Աբրահամու և զաւակի
նորա յաւիտեան :

Տուր զօրութիւն ծառայի քոյ,
կեցո զորդի աղախնոյ քոյ, եւ

արա առ իս նշան բարութեան :

Տեսցեն ատելիք իմ և ամա-
չեսցեն, զի դու Տէր, օգնեցեր
ինձ և միսիթարեցեր զիս :

Փառք Հօր և Որդւոյ և Հոգ-
ւոյն Արբոյ :

Այժմ և միշտ և յաւիտեանս
յաւիտենից . Ամէն :



ՄԱՂԹԱՆՔ

Անձն իմ 'ի ձեռս քո է յամենայն ժամ, և 'ի սուրբ Խաչ քո յուսացեալ եմ թագաւոր երկնաւոր, զբազմութիւն սրբոց քոց բարեխօս ունիմ առ քեզ, որ երերկայնամիտ ես առ ամենեսեան, մի՛ անտես առներ զապաւինեալս 'ի քեզ, այլ պահեա պատուական եւ սուրբ Խաչիւ քով ՚ի խաղաղութեան :

ՔՍ. ՐՈԶ

Աղաչեսցուք զամենակալն Աստուած և խնդրեսցուք ՚ի նմանէ, զի առաքեսցէ զրեշտակ խաղաղութեան, որ եկեալ պահեսցէ

զմեղ յերկիւզական գիշերիս, 'ի դիւական խոռվութենէ, ամբողջ պահելով զնոգի և զմարմին մեր մինչեւ 'ի կատարումն ժամանակի ամաց մերոց . ամենակալ Տէր Աստուած մեր կեցո և ողորմեա :

Զհանգիստ գիշերիս խաղաղութեամբ անցուցանել հաւատով 'ի Տեառնէ խնդրեսցուք :

Զրեշտակ խաղաղութեան պահապան անձանց մերոց 'ի Տեառնէ խնդրեսցուք :

Զքաւութիւն և զթողութիւն յանցանաց մերոց 'ի Տեառնէ խնդրեսցուք :

Զսրբոյ Խաչին մեծ և կարող զօրութիւն՝ յօգնութիւն անձանց մերոց 'ի Տեառնէ խնդրեսցուք :

Եւ եւս միաբան վասն ճշմա-

րիա եւ սուրբ հաւատոյս մերոյ
զՏէր աղաչեսցուք :

Զանձինս մեր եւ զմիմեանս
Տեառն Աստուծոյ ամենակալին
յանձն արասցուք :

Ողորմեաց մեզ Տէր Աստուած
մեր ըստ մեծի ողորմութեան
քում . ասասցուք ամենեքեան
միաբանութեամբ :

ԱՂՈՔԻ

Տէր Աստուած մեր , դու պա-
հեա զմեզ խաղաղութեամբ 'ի գի-
շերիս յայսմիկ և յամենայն ժա-
մանակի : Ընդ սուրբ երկիւլ քո-
բեւեռեալ պահեա զմիտս և ըզ-
խորհուրդս մեր , որպէս զի յա-

մենայն ժամ քեւ պահպանեալ
լիցուք յորոգայթից թշնամւոյն ,
և քեզ հանցուք զօրհնութիւն և
զփառս Հօր և Որդւոյ և Հոգւոյդ
Սրբոյ , այժմ և մըշտ և յաւի-
տեանս յաւիտենից . Ամէն :

Խաղաղութիւն ամենեցուն ,
Աստուծոյ երկիրպագեսցուք :

Հրեշտակի խաղաղութեան
յանձն արա զանձինս մեր Տէր
զօրութեանց , որ եկեալ պահեսցէ
զմեզ անխոռվս 'ի տուէ և 'ի գի-
շերի , յարթնութեան և 'ի հան-
գըստեան մերում . զի դու ես
արարիչ լուսոյ և հաստիչ գիշերի :
Եւ այժմ աղաչեմք զքեզ , Տէր
Աստուած մեր , զհանգիստ գիշե-

րիս շնորհեա խաղաղութեամբ
անցուցանել, և հասանիլ 'ի պաշ-
տօն առաւօտու յերկրպագութիւն
եւ 'ի փառաբանութիւն ամենա-
սուրբ Երրորդութեանդ, այժմ
և միշտ և յաւիտեանս յաւիտե-
նից . Ամէն :

ՍԱՂՄՈԽ

Խաղաղութեամբ յայս և 'ի սոյն
ննջեսցուք եւ զարթիցուք, զի
դու, Տէր, միայն առանձին յու-
սով քով ընակեցուցեր զմեզ:

'ի կարդալ իմում լուար ինձ
Աստուած, ըստ արդարութեան,
'ի նեղութենէ ինձ անդորր արա-
բեր, ողորմեա ինձ և լուր աղօ-
թից իմոց :

Որդիք մարդկան՝ մինչև յե՛րբ
էք խստասիրտք, ընդէ՛ր սիրէք
զնանրութիւն, և ինդրէք զու-
տութիւն :

Ծաներուք զի սքանչելիս ա-
րար Տէր սրբոյ իւրում, եւ Տէր
լուիցէ ինձ 'ի կարդալ իմում
առ նա:

Բարկանայք՝ և մի՛ մեղանչէք.
զոր ինչ ասէք 'ի սիրտս ձեր՝ յան-
կողինս ձեր զղացարուք:

Մատուցէք պատարագս ար-
դարութեան, եւ յուսացարուք
'ի Տէր:

Բաղումք ասէին թէ ո՛ ցուց-
ցէ մեզ զբարութիւն Տեառն.
նշանեցաւ առ մեզ լոյս երեսաց
քոց, եւ ետուր ուրախութիւն
սրտից մերոց :

Ի պաղոյ ցորենոյ գինւոյ և
ձիթոյ իւրեանց լցուցեր զնոսա :

Խաղաղութեամբ յայս և 'ի սոյն
ննջեսցուք եւ զարթիցուք, զի
դու Տէր միայն առանձին յու-
սով քով բնակեցուցեր զմեզ :

Ա.ԼՀՈՒԻՍ ՕՐԹԻ :

Խաղաղութիւն ամենեցուն :

Եւ ընդ հոգւոյդ քում :

Երկիւղածութեամբ լուարուք :

Սրբոյ Աւետարանիս Յիսուսի Քրիս-
տոսի՝ որ ըստ Յովհաննու :

Փառք քեզ Տէր Աստուած մեր :

Պլուխումէ :

Ա.ՍԷ Ա.ՍՄՈՒԱԾ :

Տէրն մեր Յիսուս Քրիստոս ասէ :

Ամէն ամէն ասեմ ձեզ. Եթէ
ո'չ հատն ցորենոյ անկեալ յերկիր
մեռանիցի, ինքն միայն կայ :
Ապա եթէ մեռանիցի, բազում
արդիւնս առնէ : Որ սիրէ զանձն
իւր՝ արձակէ զնա . և որ ատեայ
զանձն իւր յաշխարհիս յայսմիկ,
'ի կեանս յաւիտենականս պահես-
ցէ զնա : Եթէ ոք զիս պաշտեսցէ,
զկնի իմ եկեսցէ, և ուր եսն եմ,
անդ և պաշտօնեայն իմ եղիցի :
Եթէ ոք զիս պաշտիցէ, պա-
տուեսցէ զնա Հայր իմ :
Փառք քեզ Տէր Ա.ՍՄՈՒԱԾ մեր :



ՔԱՐՈԶ

Սուրբ Խաչիւս աղաչեսցուք
զՃե՞ր՝ զի սովաւ փրկեսցէ զմեզ
՚ի մեղաց, և կեցուսցէ շնորհիւ
ողօրմութեան խրոյ. ամենակալ
Տէր Աստուած մեր կեցու եւ ո-
ղորմեա:

ԱՂՈՓՔ

Պահպանեա՛ զմեզ, Քրիստոս
Աստուած մեր, ընդ հովանեաւ
սուրբ եւ պատուական Խաչի քո
՚ի խաղաղութեան. փրկեա՛ յերե-
ւելի և յաներեւոյթ թշնամւոյն:
Արժանաւորեա՛ գոհութեամբ փա-
ռաւորել զքեզ ընդ Հօր և ընդ
Սրբոյ Հոգւոյդ. այժմ և միշտ և
յաւիտեանս յաւիտենից. Ամէն:

Օրհնեալ Տէր մեր Յիսուս Քրիստոս.


Ամէն:

Հա՛յր մեր, որ յերկինս ես,
սուրբ Եղիցի սնուն քո: Եկեսցէ
արքայութիւն քո. Եղիցին կամք
քո որպէս յերկինս եւ յերկրի:
Զհաց մեր հանապազորդ տո՛ւր
մեզ այսօր: Եւ թող մեզ զպար-
տիս մեր, որպէս և մեք թողումք
մերոյ պարտապանաց: Եւ մի՛տա-
նիր զմեզ ՚ի փորձութիւն. այլ
փրկեա՛ զմեզ ՚ի չարէ: Զի քո է
արքայութիւն, և զօրութիւն, և
փառք յաւիտեանս. Ամէն:

ՄԱՂԹԱՆՔ

Անկանիմք առաջի քո սուրբ
Աստուածածին, և աղաչեմք զա-
նարատ զկոյսդ. բարեխօսեա' վասն
անձանց մերոց, և աղաչեա' զմի-
ածին Որդիդ փրկել զմեզ 'ի փոր-
ձութենէ և յամենայն վտանգից
մերոց :

Որ արձակիչդ ես կապելոց՝
պարգեւատու ամենեցուն, այսօր
հայցմամբ ծերունւոյն՝ արձակեա
և զիս զբազմամեղս 'ի կապանաց
մահու ՚ի կեանսն յաւխտենից :



ՄԱՂԹԱՆՔ

ԸՆԴՀԱՄ

ԱՐՀԱԿԱՑՈՅՑ ԳԻՇԵՐԱՅՆՈՑ

ԴՐԻԳՈՐԻ ՆԱՐԵԿԱՑԻՈՑ — ԲԱՆ ԺԲ.

Ընկալ քաղցրութեամբ՝ Տէր
Աստուած հզօր, զդառնացողիս
զաղաշանս. մատի՛ր գթութեամբ
առ պատկառեալս դիմօք. փա-
րատեա', ամենապարգե՛ւ, զամո-
թական տիմրութիւնս. բա՛րձ յի-
նէն, ողորմա՛ծ, զանբերելի ծան-
րութիւնս. անջրպետեա', հնարա-
ւո՛ր, զմահացու կրթութիւնս. ա-
ւարեա', մի՛շտ յաղթող, զխարո-
ղին հաճութիւնս. բացադրեա',
վերնայի՛ն, զմոլելոյն մառախուղ.

կնքեա' , կեցուցի'չ , զկորուսչին ընթացմունս . ցրուեա' , ծածկատե'ս , զըմբռնողին չար գտմունս . խորտակեա' , անքննի'ն , զմարտողին դիմեցմունս : Տեառնադրեա' քո անուամբդ զլուսանցոյց երդյարկիս . պարփակեա' քո ձեռամբդ զառաստաղ տաճարիօ . գծագրեա' քո արեամբդ զմուտ սեմոց սենեկիս . կերպացո' զքո նշանդ 'ի հետո ելից մաղթողիս . ամրացո' քո աջովդ զհանգստեանս խշտիս . մաքրեսցե'ս 'ի հաղթից զծածկարան անկողնոյս . պահեսցե'ս քո կամօքդ զտառապեալ անձն հոգւոյս . անխարդախ արասցե'ս զքո չնորհեալ շունչ մարմնոյս . կացուսցե'ս շրջափակ զպար զօրուդերկնայնոյ . կարգեսցե'ս 'ի դիմի

ընդդէմ դիւացն դասու : Տուր հանգիստ բերկրութեան՝ մահանգոյնս նիրհման 'ի խորութեան դիշերիս , բարեխօսութեամբ եւ հայցուածոց սրբուհւոյ Աստուածածնիդ եւ ամենայն ընտրելոց : Ամփոփեալ պարուրեա' զպատուհան տեսութեանց զգայարանացս իմաստից՝ անզպարհուրելի զետեղմամբ , 'ի ծփական խռովութեանց՝ կենցաղական զրազմանց , անրջական երազոց . խօլականաց ցնուրից , յիշատակաւ քո յուսոյդ անվասելի պաշտպանեալ : Եւ սթափեալ վերստին 'ի ննջմանէ ծանրութեան ամենազդաստ արթնութեամբ՝ հոգենորոդ զուարթութեամբ , 'ի քեզ արձանացեալ զայսձայն մաղթանաց բուրմամբ հա-

ւատոց . քեզ՝ ամենօրհնեալ թագաւոր՝ փառաց , անճառից փառաբանողաց երկնագումար խմբից երգակցեալ՝ յերկինս առաքել . Զիդու փառաւորեալ ես յամենայն արարածոց յաւիտեանս յաւիտենից . Ամէն :

ՄԱՂԹԱՆՔ

ԱՌ ՈՐԴԻՒՆ ԱՍՏՈՒԱԾ

ԳՐԻԳՈՐԻ ՆԱՐԵԿԱՑԻՈՅ – ԲԱՆ ԽԱ.

Որդի՛ Աստուծոյ կենդանւոյ՝
օրհնեալդ յամենայնի , Հօրդ ահաւորի անքննին ծնունդ , որ տկարանայ առ ՚ի քէն և ոչ ինչ . որ ՚ի ծագել անստուեր նշուլից ողորմութեան քո փառաց՝ հալին

մեղք , հալածին դեւք , ջնջին յանցանք , խզին կապանք , խորտակին շղթայք , կենդանածնին մահացեալք , բժշկին հարուածք , ողջանան վէրք , բառնին ապականութիւնք , տեղի տան տիրութիւնք , նահանչին հեծութիւնք , փախնու խաւարն , մեկնի մէգն , մերժի մառախուղն , փարատի մըռոյլն , սպառի աղջամուղջն , վերանայ մութն , գնայ գիշերն , տարագրի տագնապն , չքանան չարիքըն , հալածին յուսահատութիւնք , և թագաւորէ ձեռն քո ամենակալ , քաւի՛չդ ամենայնի :

Որ ո՛չ եկիր կորուսանել ըպմարդկան ոգիս , այլ կեցուցանել . թո՛ղ ինձ զանթիւ չարիսն իմ բազում ողորմութեամբոք . զի դու

միայն ես յերկնի անճառ , և յերկը ի անզննին , 'ի տարր գոյի , եւ յեզերս ծագաց աշխարհի , սկիզբն ամենայնի և յամենայնի . ամենայն լրմամբ օրհնեալ 'ի բարձունս , և քեզ ընդ Հօր և Հոգւոյդ Սրբոյ վայելէ փառք յաւիտեանս . Ամէն :

ՄԱՂԹԱՆՔ

Ի ԴԻՒԱՅ ՊԱՀՊԱՆՈՒԹԵԱՆ

ԳՐԵԳՈՐԻ ՆԱՐԵԿԱՑԻՈՅ . – ԲԱՆ ԴԳ.

Աստուա՛ծ յաւիտենական , բաւ
ըերա՛ր եւ ամենակա՛լ , ստեղծիչ
լուսոյ և յօրինի՛չ գիշերոյ , կեա՛նք
'ի մահու , և լո՛յս 'ի խաւարի , յո՛յս
ակն ունողայ , և երկայնմտութի՛ւն

տարակուսելոց . որ ամենարուեստ
իմաստութեամբ քո՛ դարձուցանես
յայդ զստուերս մահու , աննուա՛զ
ծագումն և անմուտ արեգակն ,
քանզի ո՛չ զօրէ ծածկել զփառս
տէրութեան քո խաւար գիշերոյ .
որում կրկնի ծունը երկրպագու-
թեան ամենայն եղելոց երկնա-
ւորաց և երկրաւորաց և սանդա-
րամետականաց . որ լսես զհեծու-
թիւն կապելոց , և հայիս յաղօթս
խոնարհաց , և ընդունիս զինդըր-
ուածս նոցա , Աստուած իմ եւ
թագաւորիմ , կեա՛նք իմ և ապա-
ւէն իմ , յո՛յս իմ և վստահութիւն
իմ , Յիսուս Քրիստոս՝ Աստուածդ
ամենայնի , սո՛ւրբդ՝ հանգուցեալ
'ի հոգիս սրբոց , միմիթարութի՛ւն
վշտաց և քաւարա՛ն մեղուցելոց .

որ գիտես զամենայն յառաջ քան
զինել նոցա . առաքեա' զպահպա-
նողական զօրութիւն աջոյ քո , և
փրկեա' զիս յերկիւղէ գիշերի եւ
'ի դիւէ չարէ : Որպէս զի զմշա-
տակ սոսկալի եւ սուբբ քո ա-
նուանդ միշտ համբուրեալ շըր-
թամբք հոգւոյ՝ լղձութեան շն-
չոյ , կեցից պահպանեալ լնդ այ-
նոսիկ՝ որ կարդան զքեզ 'ի բոլոր
սրտէ :

Եւ 'ի դրոշմէ Խաչի քոյոյ նշա-
նիդ , զոր Աստուածային արեամբ
քո ներկեալ նորոգեցեր , և 'ի նոյն
շնորհ որդեգրութեան՝ զմեզ մկըր-
տեցեր , և 'ի փառս պատկերի քո
նկարեալ յօրինեցեր . այսու պար-
գեւօք աստուածականօք ամա-
չեցէ' սատանայ , քականացի'ն մե-

քենայքն , բարձցի'ն որոգայթքն ,
պարտեսցի'ն մարտուցեալքն , պա-
կասեսցի'ն զէնքն սայրասուրք ,
մերժեսցի' մէզն , փարատեսցի' խա-
ւարն , մեկնեսցի' մառախուզն :
Բազուկ քո հովանացի , և ա'ջ քո
կնքեսցէ . վասն զի գթած ես և
ողորմած , և անուն քո կոչեցեալ
է 'ի վերայ ծառայից քոց : Եւ քեզ
լնդ Հօր Հոգւովդ Սրբով՝ փա՛ռք
իշխանութիւն և պատիւ յաւիտ-
եանս յաւիտենից . Ամէն :



ԽՆԴՐՈՒԹՅԱՆՔ

ԳՐԻԳՈՐԻ ՆԱՐԵԿԱՑԻՈՅ – ԲԱՆ ԾԷ.

Քրիստոն Աստուած, անո՛ւն ահաւոր, մեծութեան տեսակ, անքննին բարձրութեան պատկեր, անսահման զօրութիւն, կերպարան փրկութեան լուսոյ, պաշտպա՞ն կենաց, դուռն արքայութեան՝ վերնում հանգստեանն, ճանապա՛րհ հանդարտութեանն, ապաւինութի՛ւն՝ նորոգ եւ անտխրական երանութեան, ամենաւկա՛լի ինքնիշխանութի՛ւն՝ բոլոր էականութեան, օրհնութեան կոչումն, աւետեաց ձայն, բերկրութեան բարբառ, անմահութեան դեղ, որդի՛ անձառ՝ Աստուծոյ միոյ. որ ինձ անհնարին է, քեզ դիւրին է. որ ինձ ան-

հառն է, քեզ սահմանեալ է. որ ինձ անանցն է, քեզ հպաւոր է. որ եղկելոյս ինձ ծածկեցեալն է, քումդդ երանութեան մերձաւոր է. որ ինձ անկարելին է, քեզ կատարեալ է. որ ինձ անկշռելին է, քումդ անձառութեան չափեալ է. որ ինձ յուսահատութեանն է, քեզ սփոփանաց է. որ ինձ անբժշկականն է, քեզ անվտանգելի է. որ ինձ հեծութեանն է, քեզ խնդութեան է. որ ինձ ծանունք են, քեզ թեթեւագոյնք են. որ ինձ եղծեալն է, քումդ զօրեղութեան գրեցեալ է. որ ինձ կորուսեալն է, քեզ ըմբռնեալ է. որ ինձ անձառն է, քեզ համարեալ է. որ ինձ մռայլն է, քեզ ճառագայթ է. որ ինձ անթիւն է, օրհնեալդ քում

ձեռին բովանդակեալ է . որ ինձ
սոսկալին է , քեզ հեշտալի է . որ ինձ
փախելին է , քեզ վանելի է . որ ինձ
անմատոյցն է , քեզ դիւրահերքե-
լի է . որ ինձ մահաբերն է , քումդ-
էականութեան զօրութեան՝ ընդ ոչ
գոյսն համարեալ է :

Այլ դո՛ւ , ողորմած Աստուած
բոլորից՝ Տէ՛ր Յիսուս Քրիստոս , և
այսմ զօրես առ ելիցն հնար՝ եթէ
գթասցիս . վասն անուան փառաց
մեծութեան Հօր քոյ օրհնելոյ ,
վասն կամաց գթութեան Հոգւոյդ-
քոյ Սրբոյ՝ տե՛ս 'ի տաժանաւորս
կրից յանդիմանական յայտնու-
թիւն , և 'ի խորոց սրտիս ինքնաւ-
մատոյց դատախազութիւն . նայ-
եա՝ 'ի բնութեանս ամենապատաղ
խակութիւն , և պարգեւեա՛ բժրշ-

կութիւն վիրայս և հնարաւորու-
թիւն կորստեանս , զերծումն բազ-
մամասնեայ մահուս և շաւիղ կե-
նաց ապականելոյս , նորոգութիւն
եղծմանս և մուտք յուսոյ ամբա-
րշտելոյս : Եթէ ես զաննմանն ինձ
կամս ցուցի , ո՞րչափ առաւել դու
զբնաւորականսդ քո զընտանի բաշ-
րերարութիւնսդ . եթէ 'ի վշոց պը-
տուղ ընծայեցաւ քաղցրութեան ,
ո՞րչափ եւս առաւել 'ի ծառոյդ
կենաց՝ ճաշակ անմահութեան : եւ
թէ ես իմոց ատելեաց ողորմու-
թիւն մաղթեցի , դու քոյոյս զի-
ա՞րդ ոչ կրկին մատուցես . հզօ՛ր ,
յաննուազ առատութենէդ :

Արդ՝ տե՛ս 'ի քոյդ մեծութիւն ,
բարձրեա՛լ , նայեցեալ 'ի յիմս փու-
քրըկութիւն . ընկա՛լ զսակաւ խոս-

տովանութիւնս անհամար մեղացս՝
որ զբնաւն համայն տեսանես . և
որպէս զվիմին գթել ոչ գրեցեր ,
և զաւազոյս փոքու սասանիլ մի՛
համարեսցես . և իրր զԴաւթին ընդ
մեղայն ասել՝ իսկոյն անցուցեր
զպատիժ պարառոցն , եւ առ իմ
ձայնիս հեծութիւն՝ զնոյն գոր-
ծեսցես երկայնմտութիւն . որ տաս
ամենեցուն առատապէս անաչա-
ռութեամբ , որպէս յաղթող բարի
բազմիմաստ , և ոչ նախատես ըզ-
յետնեալ ստրուկս : Որպէս ողոր-
մած և ամենաստեղծ , ստացի՛ր վե-
րատին և մի՛ կորուսաներ զբու-
ծեալս արեամբ քո , գթա՛ծ : Զի
քո է փրկութիւն , եւ 'ի քէն է
քաւութիւն . և Քեզ վայելէ փա՛ռք
յամենայնի յաւիտեանս . Ամէն :



ԱՂՅԹՔ

ԻՒՐԱՔԱՆՉԻՒՐ ԱՆՁԻՆ
ՀԱԽԱՏԱՑԵԼՈՅ Ի ԳՐԻՍՏՈՍ

Հաւատով խոստովանիմ և եր-
կիրպագանեմ քեզ՝ Հայր և Ուդի
և Սուրբ Հոգի , անեղ և անմահ
ընութիւն , արարիչ հրեշտակաց և
մարդկան և ամենայն եղելոց . և
ողորմեա քո արարածոց եւ ինձ
բազմամեղիս :

Հաւատով խոստովանիմ և երշ
կիրագագանեմ՝ քեզ՝ անբաժանելի
լոյս, միասնական սուրբ Երրորդ
դութիւն և մի Աստուածութիւն.
արարիչ լուսոյ և հալածիչ խաւա-
րի, հալածեա 'ի հոգւոյ իմմէ ըզ-
խաւար մեղաց և անդիտութեան,
և լուսաւորեա զմիտս իմ 'ի ժա-
մուս յայսմիկ աղօթել քեզ 'ի հա-
ճոյս և ընդունել 'ի քէն զինդըր-
ուածս իմ. և ողորմեա:

Հայր երկնաւոր Աստուած ճըշ-
մարիս՝ որ առաքեցեր զՄրդիդ քո
սիրելի 'ի ինդիր մոլորեալ ոչխա-
րին. մեղաց յերկինս և առաջի քո.
Ծնկալ զիս որպէս զանառակ որ-
դին և զգեցո ինձ զպատմուճանն
զառաջին զոր մերկացայ մեղօք.
և ողորմեա:

Որդի Աստուծոյ Աստուած
Ճշմարիս՝ որ խոնարհեցար 'ի հայ-
րական ծոցոյ և առեր մարմին 'ի
սրբոյ կուսէն Մարիսմայ վասն
մերոյ փրկութեան. խաչեցար,
թաղեցար և յարեար 'ի մեռելոյ՝
և համբարձար փառօք առ Հայր.
մեղաց յերկինս եւ առաջի քո.
յիշեա զիս որպէս զաւազակն յոր-
ժամ գաս արքայութեամբ քով.
և ողորմեա:

Հոգի Աստուծոյ Աստուած
Ճշմարիս՝ որ իջեր 'ի Յորդանան
և 'ի վերնատունն և լուսաւորե-
ցեր զիս մկրտութեամբ սուրբ ա-
ւազանին, մեղաց յերկինս և ա-
ռաջի քո, մաքրեա զիս վերստին
Աստուածային հրով քով՝ որպէս
հրեղէն լեզուօք սուրբ զԱռաք-

եալսն . և ողորմեա քո արարածոց և ինձ բազմամեղիս :

Անեղ բնութիւն՝ մեղայ քեզ մտօք իմովք , հոգւով և մարմնով իմով . մի՛ յիշեր զմեղս իմ զառաջինս վասն անուանդ քում սրբոյ . և ողորմեա :

Տեսող ամենայնի , մեղայ քեզ խորհրդով , բանիւ և գործով . ջընչեա զձեռագիր յանցանաց իմոց , եւ գրեա զանուն իմ 'ի դպրութեան կենաց . և ողորմեա :

Քննող գաղտնեաց , մեղայ քեզ կամայ և ակամայ , գիտութեամբ և անգիտութեամբ . թուղութիւն չնորհեա մեղաւորիս , զի 'ի ծննդենէ սուրբ աւաղանին մինչեւ ցայսօր մեղուցեալ եմ առաջի Աստուածութեանդ քո ըզ-

գայարանօք իմովք և ամենայն անդամօք մարմնոյս . և ողոր :

Ամենախնամ Տէր , դիր պահապան աչաց իմոց զերկիւդ քո սուրբ՝ ոչ եւս հայիլ յարատ , և ականջաց իմոց ոչ ախորժել լսել զբանս չարութեան , եւ բերանոյ իմոյ ոչ խօսիլ զստութիւն , եւ սրտի իմոյ ոչ խորհիլ զչարութիւն , և ձեռաց իմոց ոչ գործել զանիւրաւութիւն , եւ ոտից իմոց ոչ գնալ 'ի ճանապարհս անօրէնութեան . այլ ուղղեա զչարժումն սոցա լինիլ միշտ ըստ պատուիրանաց քոց յամենայնի . և ողոր :

Հուր կենդանի Քրիստոս , զնուր սիրոյ քո զոր արկեր յերւ կիր , բորբոքեա յանձն իմ . զի այրեացէ զախտ հոգւոյ իմոյ , և

սրբեսցէ զիսիզմ մտաց իմոց , եւ
մաքրեսցէ զմեղս մարմնոյ իմոյ ,
եւ վառեսցէ զլոյս գիտութեան
քո 'ի սրտի իմում . և ողորմեա :

Իմաստութիւն Հօր Յիսուս ,
տուր ինձ իմաստութիւն զբարիս
խորհիլ և խօսիլ և գործել առաջի
քո յամենայն ժամ . 'ի չար խոր-
հրդոց 'ի բանից և 'ի գործոց փըր-
կեա զիս . և ողորմեա :

Կամեցող բարեաց Տէր կամա-
բար , մի՛ թողուր զիս 'ի կամս ան-
ձին իմոյ գնալ , այլ առաջնորդեա
ինձ լինիլ միշտ ըստ կամաց քոց
բարեսիրաց . և ողորմեա :

Արքայ երկնաւոր , տուր ինձ
դարքայութիւն քո զոր խօսաա-
ցար սիրելեաց քոց . ես զօրացո
դիրտ իմ ատել զմեղս , և սիրել

զքեզ միայն , և առնել զկամո քո .
և ողորմեա :

Խնամող արարածոց , պահեա
նշանաւ Խաչի քո զնոգի և զմար-
մին իմ 'ի պատրանաց մեղաց , 'ի
փորձութեանց դիւաց , և 'ի մար-
դոց անիբաւաց , և յամենայն վը-
տանդից հոգւոյ և մարմնոյ . և ո-
ղորմեա :

Պահապան ամենայնի Քրիստոս ,
աջ քո հովանի լիցի 'ի վերայ իմ
'ի տուէ և 'ի գիշերի , 'ի նստիլ 'ի
տան , 'ի գնալ 'ի ճանապարհ , 'ի
մնջել և 'ի յառնել , զի մի՛ երբէք
սասանեցայց . և ողորմեա :

Աստուած իմ , որ բանաս ըզ-
ձեռն քո և լնուս զամենայն արա-
րածս ողորմութեամբ քով . քեզ
յանձն առնեմ զանձն իմ . դու

հոգա և պատրաստեա զպէտս հուցւոյ և մարմնոյ իմոյ յայսմնեաէ մինչեւ յաւխտեան . և ողորմեա :

Դարձուցիչ մոլորելոց , դարձո զիս 'ի չար սովորութեանց իմոց 'ի բարի սովորութիւն , եւ բեւեռեա 'ի հոգի իմ զսոսկալի օր մահուն և զերկիւղ գեհենոյն եւ զսէր արքայութեանն . զի զղացայց 'ի մեղաց և գործեցից զարդարութիւն . և ողորմեա :

Աղքիւր անմահութեան , աղքերացո 'ի սրտէ իմմէ զարտասուս ապաշխարութեան որպէս պոռնը կին՝ զի լուացից զմեղս անձին իմոյ յառաջ քան զելանելն իմ յաշխարհէս . և ողորմեա :

Պարգեւիչ ողորմութեան , պարգեւեա' ինձ ուղղափառ հաւատով

և բարի գործով , և սուրբ մարմնոյ եւ արեան քո հաղորդութեամբն գալ առ քեզ . և ողոր :

Բարերար Տէր , հրեշտակի բարւոյ յանձն արացես զիս , քաղցրութեամբ աւանդել զհոգի իմ , և անխռով անցուցանել ընդ չարութիւն այսոցն՝ որք են 'ի ներքոյ երկնից . և ողորմեա :

Լոյս ճշմարիտ Քրիստոս , արժանաւորեա զհոգի իմ ուրախութեամբ տեսանել զլոյս փառաց քոց 'ի կոչման աւուրն . և հանգչել յուսով բարեաց յօթեւանս արդարոց մինչեւ յօր մեծի գալստեան քո . և ողորմեա :

Դատաւոր արդար , յորժամ գաս փառօք Հօր՝ 'ի դատել զկենդանիս և զմեռեալս , մի՛ մտաներ 'ի

դատաստան ընդ ծառայի քում.
այլ փրկեա զիս 'ի յաւիտենական
հրոյն, և լսելի արա ինձ զերանա-
ւէտ կոչումն արդարոց յերկնից
արքայութիւնդ. և ողորմեա :

Ամենողորմ Տէր, ողորմեա ա-
մենայն հաւատացելոց 'ի քեզ, ի-
մոց և օտարաց, ծանօթից և ան-
ծանօթից, կենդանեաց և մեռե-
լոց. շնորհեա և թշնամեաց իմոց
եւ ատելեաց զթողութիւն որք
առիս յանցանացն, և դարձո ըզ-
նոսա 'ի չարեացն զոր ունին վասն
իմ, զի ողորմութեանդ քում ար-
ժանի եղիցին. և ողորմեա :

Փառաւորեալ Տէր, ընկալ զա-
դաշանս ծառայիս քա, և կատար-
եա' 'ի բարի զինդրուածս իմ՝
բարեխօսութեամբ սրբուհւոյ Աս-

~~առածածածնին~~, և Յովհաննու Մը-
կրտչին, եւ սրբոյն Ստեփաննոսի
նախավկային և սրբոյն Գրիգորի
մերոյ Լուսաւորչին. և սրբոց Ա-
ռաքելոց, Մարգարէից, Վարդա-
պետաց, Մարտիրոսաց, Հայրա-
պետաց, Ճգնաւորաց, Կուսանաց,
Միանձանց, եւ ամենայն Սրբոց
քաց երկնաւորաց և երկրաւորաց:
եւ քեզ փառք եւ երկրպագու-
թիւն անբաժանելի ոռւրբ Երրաբ-
դութեանդ՝ յաւիտեանս յաւիտե-
նից. Ամէն :

ՄԱՂԹԱՆՔ

Վասն սրբուհւոյ Առառածած-
նի բարեխօսութեամն, Տէր, ընկալ
զաղաչանս մեր, և կեցո զմեզ :

ՔԱՐՈՉ

Սուրբ զԱստուածածինն և զամենայն սուրբս բարեխօս արաւցուք առ Հայր՝ 'ի յերկինս, զի կամեցեալ ողորմեսցի՝ և գթացեալ կեցուսցէ զարարածս իւր։ Ամենակալ Տէր Աստուած մեր կեցո և ողորմեա։

ԱՂՈՓՔ

Ընկալ, Տէր, զաղաչանս մեր՝ բարեխօսութեամբ սուրբ Աստուածածնին անարատ ծնողի միածնի Որդւոյ քոյ, և աղաչանօք ամենայն սրբոց քոց, և որոց այսօրէ յիշատակ, Լուր մեղ, Տէր, և ողորմեա, ներեա, քաւեա, եւ թող զմեղս մեր։ Արժանաւորեա

գոհութեամբ փառաւորել զքեղ ընդ Որդւոյ և ընդ Սրբոյ Հոգւոյդ, այժմ եւ միշտ եւ յաւիտեանս յաւիտենից։ Ամէն։

Օրհնեալ Տէր մեր Յիսուս Քրիստոս։
Ամէն։

Հայր մեր, որ յերկինս։

ՄԱՂԹԱՆՔ

Զհանգստեան զաղօթս և զաղաչանս՝ ընկալ մարդասէր Աստուած, 'ի հաճոյս բարերար կամաց քոց։ Մեր մեղաց և բազում յանցանացն թողութիւն շնորհեա, և քեզ փառք յաւիտեանս։ Ամէն։

Փառք քեզ, Տէր Աստուած մեր, որ պարզեւեցեր զօրս զայս բարեաւ և խաղաղութեամբ անցուցանել։

Մարդասէր Աստուած, զառաջիկայ գիշերս որ 'ի վերայ մեր գալոց է՝ 'ի մեղաց փրկեա, 'ի չարեաց ազատեա, և 'ի գործս բարիս առաջնորդեա:

Առաւօտու օրհնութեանցն եւ փառաբանութեանցն արժանի արա զամենայն հաւատացեալս անուանդ քում սրբոյ, եւ պահեա 'ի խաղաղութեան:

Տէր Աստուած մեր՝ տուր զքո խաղաղութիւնդ ամենայն աշխարհի, բարձ զցասումն և զպատուհան 'ի յարարածոց:

Ողորմեա հարց և եղբարց մերաց կենդանեաց և հանգուցելոց:

Ողորմեա զեկեղեցի շինողաց, երախտաւորաց, պաղատուից, ըստ պատաւորաց, եւ այնոցիկ՝ որք

ընդ հովանեաւ սրբոյ եկեղեցւոյ են հանգուցեալ:

Տէր Աստուած՝ օգնեա թագաւորացն քրիստոնէից, եւ իշխանացն բարեպաշտից. զօրաց և զաւակաց նոցին՝ պահելով 'ի խաղաղութեան:

Տէր Աստուած մեր՝ պահեա զառաջնորդս և զեղբայրութիւնս մեր ամբողջ և անխոռով 'ի կամս ողորմութեան քոյ:

Նշանաւ սուրբ և պատուական իշխիւ քոյ՝ հալածեա զերեւելի և զաներեւոյթ թշնամին 'ի սահմանաց մերոց և 'ի բնակութենէս մերմէ: Փրկեա զմեզ 'ի հրոյն յաւիտենից, եւ քեզ փառք յաւիտեանս. Ամէն:

ՊԱՇԱՑԱՆՔ

ԱՌ ՀՈԳԻՆ ՍՈՒՐԲ

Աղաչեմ զանփոփոխելի տէրութիւն ամենազօր Հոգւոյդ հզօրի .
առաքեա՛ զցող քաղցրութեան քոյն և բարեգործեա՛ 'ի յանձին և յիշ-խանական ազդման զգայութեան՝
զամենալից շնորհս բազմապարգեւ քո ողորմութեանդ : Եւ հերկեա՛
զբանական անդաստան մարմնեւ-
դէն կարծրացեալ սրտիս , յընդու-
նակութիւն արգասեաց հոգեւոր
սերմանդ : Քում ամենիմաստ էու-
թեանդ խոստովանիմք զամենայն
պարգեւս 'ի մեզ ծաղկեալ և աճե-
ցեալ . որ ձեռնադրես Առաքեալս ,
լցուցանես Մարգարէս , ուսուցա-
նես վարդապետս , բարբառեցու-

ցանես համերս , և բանաս զփա-
կեալ ականջս խլից . որպէս ազ-
գակիցն քո՛ էակիցն Հօր՝ անդ-
րանիկն Որդի՛ քոյին գործակցու-
թեամբդ ներգործելով զայս ամե-
նայն քարողեաց զքեզ Աստուած
հաւասարակից իսկութեանդ Հօր :
Շնորհեա՛ և ինձ մեղաւորիս խօսել
համարձակութեամբ զկենդանարար
խորհուրդ աւետեաց Աւետարանիդ .
հետեւել արագաթոիչ ընթացիւք
մտաց՝ ընդ անհուն ասպարէզս քո-
յինաշունչ կտակարանաց : Եւ 'ի
մատչիլ իմ 'ի գլուխ հանդիսի մեկ-
նութեան բանի , նա'իս ժամանեցէ
առիս գլխութիւն քո . խօսելով յիս
զարժանն և զպիտանիսն և զհա-
ճոյսն քո 'ի ժամանակի . 'ի փառս
և 'ի գովեստ Աստուածութեանդ

Քո . 'ի լրումն շինութեան կաթու-
ղիկէ Եկեղեցւոյ : Եւ կարկառեա' 'ի
վերայ իմ զամենամերձ աջ քո . և
զօրացո' զիս շնորհոք գթութեանդ
քոյ . փարատեա' 'ի մտաց իմոց զմէգ
մթութեան մոռացութեան . ապա-
քինեալ ընդ նմին զիսաւար մե-
ղաց . ամբառնալ ուշիւ իմաստիցս
'ի կենցաղոյս երկրէ 'ի բարձունս :
Լուսաւորեա' յիս վերստին զծա-
գումն անստուեր հրաշից գիտու-
թեան Աստուածութեանդ քոյ հր-
զօր . արժանի լինիլ առնել և ու-
սուցանել յօրինակ բարեաց Աս-
տուածանէր լսողաց : Եւ քեզ ա-
մենայն փառք յամենայնի , ընդ
Հօր ամենակալի և ընդ Որդւոյն
միածնի եւ բարերարի . այժմ եւ
յանվախճան յաւիտեանս , Ամէն :

ԱՂՅՈՒԹ

ՎԱՍԻ ՆՆԴԵՑԵԼՈՑ

Աղաչեմ և խնդրեմ 'ի քէն ո'վ
բազմագութ Աստուած՝ վասն աղ-
դիս մերոյ հոտ և նորոց և համօ-
րէն հաւատով և յուսով 'ի քեզ
ննջեցելոցն : Եւ մանաւանդ՝ վասն
իմոց մարմնաւոր և հոգեւոր ծնո-
ղաց , եղբարց , քերց , ազգակա-
նաց , սիրելեաց , 'ի բարիս կրթո-
ղաց և ուսուցչաց , և բարեկամաց ,
և հոգեւոր վարդապետաց և ամե-
նայն աշխատաւորաց և երախտա-
ւորաց մերոց 'ի քեզ ննջեցելոց :
Զորս յիշեսցես յողորմութիւնս քոյ
յաւուր մեծի գալստեան քոյ . թո-
ղութիւն շնորհեսցես ամենայն մե-

զաց և սիսալանաց նոցին . և դա-
սեսցես ընդ սուրբս քո յաջակող-
ման դասուն . և տացես լսել զե-
րանաւէտ բարբառն քո թէ՝ ե-
կա՛յք օրհնեալք Հօր իմոյ . և ըստ
երախտեաց նոցին որ առ մեզ՝ մի-
ոյն բիւրապատիկս հատուսցես 'ի
հոգիս նոցա . և զմեզ անդատա-
պարտ արասցես 'ի նոցին պար-
տուցն . և քեզ փառք յաւիտեանս
յաւիտենից . Ամէն :



ԱՂՕՓՔ

ՏԵՐՈՒԽԱԿԱՆ


Որպէս պատուիրէ Փրկիչն մէր .

— Յորժամ կայցէք յաղօթս ,

մի՛ շատախօսք լինիք :

Մատթ . Զ . 7.

Հա՛յք մեր , որ յերկինս ես ,
սուրբ եղիցի անուն քո : Եկեսցէ
Արքայութիւն քո . եղիցին կամք
քո որպէս յերկինս եւ յերկրի :
Զհաց մեր հանապազորդ տո՛ւր
մեզ այսօր : Եւ թող մեզ զպար-
տիս մեր , որպէս եւ մեք թո-
ղումք մերոց պարտապանաց : Եւ
մի՛ տանիր զմեզ 'ի փորձութիւն .
այլ փրկեա՛ զմեզ 'ի չարէ : Զի քո
է արքայութիւն , և զօրութիւն ,
և փառք յաւիտեանս . Ամէն :



0025528

2013

quadrif

«Ազգային գրադարան



NL0015328

CHU S. LUNG

